

清遠縣志卷四

輿地目錄

晷度

氣候

形勝

疆域

關隘

邊疆附

城市坊鄉

民族

風俗

方言

清遠縣志

卷四

輿地目錄

一

輿地凡例

古者志書輿地為首如封域坊市風俗戶口州境城社等項無不分

列於前吳郡圖經宋朱長臨安志等宋周是也至三山志宋梁克澈

水志宋常始以地理為總門以統納疆域界至城鄉風俗諸類迨海

昌志明張聖乃定輿地之目蘇林云輿猶盡載之意見漢

則此諸大端均宜詳載矣舊有輿地一類今仍之內分九目一晷度

二氣候三形勝四疆域五關隘而邊疆附焉六城市鄉村七民族八

風俗九方言

漢地理志末紀天文後來衡州府志明五亦并天文於地理之內例

殊簡便但昔紀天文每系分野傳會影射誠如四庫提要所譏提

州亦占牛女既已疑似一邵武一惟以日景測北極之高度以中星驗右

界之偏度測量晷度以定地方之里數而明地勢之所在斯為最善

清遠縣志

卷四

凡例

故近來方志大率相沿然經緯之數各家推測不同如秦蕙田見五

致丁取忠各說經見輿地與阮通志微異此廣東圖說所謂儀器有精

粗用法有疏密也今凡經緯各說皆備錄之至於氣候各地不同故

南海縣志等補向莫不專立一目次於晷度之下東莞縣志周式且

分土候風候占候潮候四項陽江縣志喜梁附以節候更點表番禹

續志丁仁附以節候氣候表尤屬周詳今從舊志錄氣候焉

各縣所居之地山海攸殊氣候不無小異形勢更屬不同故肇慶府

志屠英有形勝類以詳其大勢吾邑山海廻環最稱衝要明代龐尙

鵬提議建為府治其重可知故今備錄諸家之說庶覽者可想見其

形勢焉

疆域里數諸說不同蓋由鳥飛直路與人行屈曲路之分也周禮大

云若五千若隨鳥飛直路則周之九服亦止自古已然故紀錄者亦因而互

異東莞新志云凡書兩地相距悉以直計所謂飛鳥度也若至鄰縣里數則仍舊說不同者附焉陳伯撰其例最善今四至八到疆域廣袤

亦以廣東圖說為主而以舊說附注之凡地方險隘常關縣屬之治安故肇慶府志居英修則有關隘陽江縣志亦錄要隘梁觀撰以著地利

且此亦阮通志例也至鄰縣邊疆時為逋逃之藪影響本縣亦大昔蜀中廣記特立邊防曹學倫撰今師其意以邊疆附於關隘焉

宋會稽志內有姓氏張漫撰此志詳氏族之始至明章邱縣志董復撰專立姓氏一卷池北偶談云此志共稀姓清和州志章學誠撰揚州志皆有氏族

見研經室集南海志有氏族李徽撰永清志有土族見文史通義而新安縣志元於土著客籍且詳氏族之源香山續志厲式修於原籍分枝溯及始

遷之祖其詳如此今援其例立民族類所有聖賢之裔各鄉之族及稀姓皆畧攷之至若猺蠻之種有列人物類者韶州府志有列雜事類者

清遠縣志 卷四 凡例 二

懷集縣志有列輿地內者陽山縣志有列風俗內者陽江縣志其例各殊今從開平縣志例張煊撰附於民族之下焉

漢書云凡民函五常之性而其剛柔緩急音聲不同系水土之風氣故謂之風好惡取舍動靜無常隨君上之情欲故謂之俗地理志然土

地既異風氣必殊故晏子云百里異習千里殊俗也荀卿云入境觀其風俗是風俗又不宜缺故三山志有土俗宋梁克家撰平涼志有風俗

明趙時春撰黃通志云風俗一篇舊略今詳用告於立政者黃佐序其有深

意乎至俗之美惡則直書之香山縣志云其厚者固可嘉其薄者不必諱陳澧撰誠哉其言故畧載之

樊增祥云方言者如曲裏之慢聲錦中之花樣也其為湖北志特立方言一門吳山文集而嘉應州志溫仲和撰番禺縣志丁仁長撰亦詳方言陳伯陶

東莞志云特立方言以見吾邑土音有合於古章炳麟亦謂各省鄉

土志書體大物博所急在比輯里語足以見古字古音者不少見太炎文

錄其言甚是今凡土謠俗語亦畧釋之

宋臨安志周滌撰有城社坊市近日史府志列都堡肇慶志錄廂鄉屠英

修誠以此為志之大端不得不詳也但鄉都圖保名目紛歧蕭山志

云改鄉為都改里為圖自元時始嘉定志則謂圖即里也不曰里而

曰圖者以每里冊籍首列一圖故名曰圖惟今圖字俗省作圖而歙

縣志謝少撰謂圖當音鄙左傳都鄙有章即為命名之始云見日知錄攷漢

時有鄉亭唐時為鄉保至宋合保為都合都為鄉宋史袁亦有以保

為堡者見朱子全書然俱未有圖名不知謝志何據吾邑宋時四鄉明時

八鄉清世折為十鄉後分八十一局現改五十九鄉今皆詳為分錄

此史通所謂鄉有併省隨時而載也所錄皆以現名為主此廣東圖

說所謂古今不同現在為定也各鄉之下注明沿革此魏收地形志

所謂創改隨注也至村圍社約之名皆從俗稱此穀梁傳所謂名從

主人也

清遠縣志卷四上

輿地 暑度

清遠縣天度

緯度北極出地二十二度三十秒 張東輿地

謹按秦蕙田五禮通考丁取忠輿地經緯表阮通志均謂清遠
二十三度四十五分與此不同

北京中線偏西三度二十五分二十秒 同上

測晷之法土圭置臬著於周官後世史書不言實測至唐開元詔
太史交州測景夏至影表南長三十三分僧一行又為覆炬圖測
得林邑國北極高十七度四分安南二十六度六分與廣州不甚
相遠故但測西南之極邊即可以該廣南也其法不密至元郭守
敬測影之術雖精於前不如今法之密廣東二十三度十分 見秦田

清遠縣志 卷四

暑度

五禮通考

地居天中其體渾圓與天度相應中國當赤道之北北極常見南
極常隱南行二百五十里則北極低一度南極高一度北行二百
五十里則北極高一度南極低一度北極高度即南北里差也南
極偏度即東西里差也廣州府度分乃是實測各縣第據輿圖計
之耳 阮通志
謹按五禮通考阮通志作三度四十五分輿地經緯表作三度
四十七分六百九十里亦與此異蓋測量儀器近出愈精也自
當以此為正

冬至日出卯正二刻十二分二十五秒日入酉初一刻二分三十五
秒晨四十二刻五分一十秒夜五十三刻九分五十秒 廣東輿地圖
夏至日出卯時初一刻二分三十五秒日入酉正二刻十二分二十

五秒晝五十三刻九分五十秒夜四十二刻五分一十秒

同上

象限三百六十度每三度四十五分爲一刻每三十度爲一時地球與天體同爲三百六十度右圖以廣東北極出地二十三度爲主分晝夜十二時時各八刻又分二十四節氣中線爲子午斜絡線爲南北極平線爲地平其下爲朦影今以日出朦影在寅正卯初日入在酉初酉正朦影以上爲晝時朦影以下爲夜時

阮通志

輿地 氣候

唐許惲峽山寺詩云未臘梅先實經冬草自薰

丁卯集

唐李紳逾嶺嶠詩云魚躍豈通清遠峽雁飛難度瘴江東雲蒸地熱

無霜霰桃李冬花匪時變

追昔游詩集

明薛瑄送黎璿致仕歸清遠序云奇草異木生其間者榮凋花實率不以時而四時溫涼蒸爍之氣發作無常故居人行旅將息之道爲

清遠縣志

卷四

氣候

五

難 光緒志

引舊志

清鄭獻甫滇水紀行云清遠之間春夏異候旦夕不常不覺微寒幾

忘徂暑其風氣有如此

鄭小谷全集

鄭獻甫滇江舟次詩云海國冬猶暖江天夜更晴又曉過清遠詩云

江雨曉忽晴江風晚猶善

補學軒詩集

嶺表通號瘴鄉而清遠又依山之邑草茅障翳炎氣鬱蒸蓋陽燠之氣常洩陰濕之氣常盛陽氣洩故四時常花三冬不雪陰氣盛故晨夕霧昏春夏淫雨一歲之間炎熱過半窮臘恒暘或至搖扇夏月連陰卽復淒寒其生常早其肅常遲熱以晴暄寒以風雨故曰四時皆是夏一雨便成秋冬春之交桃李已花微霜或降物亦蕃茂氣常宣洩不甚收斂故也

光緒志

謹按英德縣志云地脉高亢陽熱之氣易洩土膏不實陰濕之

氣常盈盈則野霧迷空霖舟入市泄故隆冬不雪花實先期卽
光緒志所謂陽洩陰盛者也又從化縣志云山氣由北降而陰
海氣由南蒸而陽陰陽相薄所以一日之間氣候屢變炎蒸則
熱風雨則寒或則夏棉冬葛卽光緒志所謂一雨成秋者也大
抵英德從化與吾邑鄰故其氣候稍同至霜多雪少冷少熱多
則一致六月望日前後俗謂彭祖忌時有颶風颶者具四方之
風北堂書鈔南人以颶爲懼故曰颶俗謂之風舊廣東新語亦謂之
風牯土音讀如牯作則拔木傷稼廣屬近海之地多然吾邑距海
遠颶風尙少數十年始一見之

南海歲有舊風障氣之害風則折木飛沙轉石氣則霧鬱飛鳥不經

三國志陸胤列傳

廣有板步吉河林菁瘴毒宋史榮列傳

清遠縣志

卷四

氣候

六

自吉河趨板步二百里盛夏瘴起行旅死者十八九宋史凌策列傳

謹按盧明階攷証云舊風疑作暴風障氣當爲瘴氣攷三國時
南海尙未設縣胤傳云云卽中宿所隸之南海郡也廣東新語
謂南海歲有舊風亦曰風舊此爲吾粵方言明階疑作暴風非
也至於障者隔也煙嵐瘴氣蘊鬱不宣凝結而障隔飛鳥不能
經過故稱曰障氣不必改爲瘴也昔時青草黃茅之瘴舶掉青
凍之風歲所常有今則山川疏暢人口稠密阮通志已謂中州
清淑之氣數道相通瘴煙大豁且距海遼遠颶風亦稀則古籍
之說今不盡然矣宋史謂吉河者卽今濠江一帶也

正月立春後陽氣上蒸薰風時動桃李遍花 二月倏暖倏寒

三月南風至解褐衣袷 四月晴燠雨寒風氣不常 五月氣漸炎

蒸 六月炎氣蒸人早稻熟 七月晝燠夜涼 八月白露後漸涼

晚稻垂穗 九月寒露後稍寒霜降後晚稻盡熟 十月氣乍寒乍
燠 十一月微霜下丹楓不落 十二月歲寒少雪梅花盛放光緒
清遠居北江之中其氣候夏秋最熱溫度有高至華氏表九十四五
度者冬春之際最寒溫度有低至華氏表三十八度者夏季平均氣
候高於廣州而全年平均溫度比較為低此本縣氣候之大概也清遠

舉植會
報告書

輿地 形勝

清遠在府北東有中宿峽西有大羅山按大羅山在縣西北此漏北字 湟水在縣東

北東南有濫江水來合焉謂之濫江口有濫江巡檢司西南有廻岐

西北濱江二巡檢司東北有橫石磯巡檢司後廢明史地理志

清遠三水水圍山匝帆檣絡繹地盡要衝史府志

清遠從化山勢連綿為廣州府後之屏障廣東圖說

清遠縣志

卷四

形勝

七

清遠踞中宿之峽塹湟之水地處上游張府志

清遠上承英德下連三水直達會城為兩粵之孔道北來之門戶阮通志

清遠山川廻合奇秀競出圖書集成
引舊志

清遠湟江矜其前花尖枕其後禺峽控其左廻岐峙其右東北有二
帽諸險以為障西南有溱源威整以為阨南通全粵北達庾衡葉公

玉謂幽勝甲於天下圖書集成
引新志

清遠地當北江之上游為南北之孔道故自蕭梁之世嘗於此設清
遠郡城所以阨北江之中樞鎮南邦之荒服也中宿文獻錄

清遠萬山大谷江海廻環於勢為最險於途為最衝分守道駐筭之

邑也監閱修
學記

清遠原建肇自中宿稱名邑焉何維栢
修學記

清遠由梁迄今聲稱華夏

圖書集成引
王兆峽山記

中宿爲粵衝邑山川奇崛之氣所鍾賢豪迭出

郭萊撰
朱諒誌

清遠巖邑也其地多高山峻嶺巖巖嶽嶺巖巖數百里

陳堂

驅虎
碑記

清遠脉接庾衡群山萬壑蜿蜒而赴倏而蒼莽平行邑城踞焉洌水
矜其前七星大龍層巒環抱紫翠森聳如插笏然志所云福地者也
王漸達謂人物充盛視如中州亦其形勢有所憑歟

陳晉奎
光閣記

清遠向稱盜藪龐文惠公疏謂清遠當蕭梁時嘗建爲郡乃全省西
北之要衝韶廣之衿喉也據其形勢宜於此增設一府治控山帶江
與廣韶相望勢如常山之蛇上足壯西北之門戶下足樹東南之屏

蔽廣東
新語

明龐尙鵬建府治議

尙鵬南海人
官副都御史

清遠縣志

卷四

形勝

八

韶州去廣數千里廣而上屬邑曰三水曰清遠而連州乃僻在西
北五百六十里之外與英德接壤若非增設三水則流逆五站始
有一縣地理寥廓疆域遠隔設有不虞塞浚光之口斷清遠之峽
南北孤懸將何以處之且清遠北接連州西連四會西北抵懷集
東北抵從化大羅諸山盤踞其間延袤千有餘里谿洞諸獠星羅
棋布凡一百四十五所通郴桂臨賀上猶安遠諸山寇而三省避
役逃罪奸民與百工技藝之人雜處其中分羣聚黨動稱萬計素
以剽奪爲生始漸擄掠鄉村後乃攻劫郡縣永樂以來屢勤鉄鉞
然彼以吾民爲耳目舉兵時日往往前知先已烏舉狼奔矣官兵
入無所得顧以殺掠爲功兵甫解甲而逃者已歸散者復聚未幾
而攻剽四出矣當事者業已奏捷則置而不敢問故賊愈肆橫近
年猖獗日甚殆莫知其所終則清遠乃盜賊淵藪所謂要害之地

也嘗以圖誌攷之大羅山自陽山發脉西抵懷集其左則湟水出焉合雙溪經洸口而入大江連州連山陽山皆在其內其右則懷溪之水出焉經四會合龍江而入大江懷集廣寧四會皆在其內清遠則居山南跨二水之界而處其中者也今與連州二縣同屬廣州而廣寧四會則屬肇慶至於懷集又屬廣西梧州其謁府也必沿龍江而趨三水乃溯流盡歷肇慶西境始達焉大率與連州至廣皆半月之程又考清遠本漢中宿縣地梁時嘗建清遠郡正當全省西北之要衝又韶廣二府之衿喉也據其形勢揆以時宜當於此地增設一府而割廣州之連州並陽山連山肇慶之四會廣寧梧州之懷集隸焉又移連山一縣於洸口以扼上游堵截猺賊渡水之路則南韶可以無虞如懷集有言則以肇慶之開建易之蓋開建與賀縣切鄰去蒼梧爲近亦從其便也且田糧戶口大

約相當無不可者夫維設一府治控山帶江與廣韶相望勢如常山之蛇上足增西北之門戶下足樹東南之屏蔽以七邑而聽命於一府政自可裁兵自可養僚屬之賢否得以嘗試而坐照之小民之赴愬者近而易達以一府而夾持乎衛所覈其戎伍督其操練分以地方參以僚佐強賊踪跡可以與知則平時不敢交通有事不敢規避而兵備道又監制之於上如人之一身血脉交通臂指相使庶幾無復後患矣

阮通志清一統志

謹按屈氏廣東新語所引卽龐尙鵬之議也惟明史列傳尙鵬謚惠敏屈氏作文惠謨

輿地 疆域

清遠在府北二百四十里 清一統志引元和郡縣志元豐九年城志輿地紀一統志清一統志郡縣志太平寰宇記作水

路二百三十里 方輿紀要作二百五十五里水路三百四十里

由從化 李瀚

章廣東輿地圖說阮集成作水陸四百六十三里
志引清遠志圖書集成作舊志張府志作三百四十里
東至從化縣界八十六里一百五十里
圖書集成作一百五十里
光緒志阮通志從化一楊梅里作

南至三水縣界四十六里同上
成作至南海一百一十七里
光緒志阮通志塘志一引廣十東興圖清書一集

西至四會縣界四十一里同上
百七十里
圖書集成作七十五里
阮通志清一統志作至四會七十里

北至英德縣界五十一里同上
二百里
圖書集成作七十五里
阮通志清一統志作至四會七十里

東南至花縣界四十四里同上
十縣界一百里
圖書集成作至番禺九十里
阮通志清一統志作至南海縣界一百通志七清里一統志

西南至四會縣界四十七里同上
張府志史作至清遠縣界一百通志二十一里

清遠縣志

卷四

疆域

一〇

四會金雞逕界一百四十二里
方輿紀要作至四會縣界一百七十里
阮通志清遠縣志作至

東北至英德縣界四十七里同上
統志作六十六里
圖書集成作至曲江九十五里
阮通志清一統志作至英德縣界一百八十里
清遠志

西北至懷集縣界一百一十六里同上
縣冊作至廣寧一百六十里
一統志通至作至陽山縣界一百五十五里
清

東西廣一百二十七里同上
光緒志引舊志阮通志清一統志圖書集成
光緒志引舊志阮通志清一統志圖書集成

作二百里

南北縱九十七里同上
志同張府志清書集成作表三百七十一里
阮通志清一統志圖書集成

清遠至廣州驛路三百七十里至南京驛路五千三百零四里
元戴

游錄

清遠北至北京八千三百里
引圖府書集成

全縣面積一萬二千三百一十九方里

榮枝士龍祖
報告書

北江流域之面積清遠所屬三六九〇〇〇平方基羅米達

廣東治河
報告書

謹按李氏廣東輿地圖頗有測量其紀四至俱用鳥飛之線

延相叙例而各書所載均用人行紆迴之數故各說不同今以李氏

說為主而分注諸說於下至於縣境界至古今不同秦時洌江

縣統有北江全境尉佗王粵始以滇陽峽上立滇陽縣涯水北

岸立含涯縣辨詳沿革至是而縣境始斂然東北疆域猶尙至於

涯水也今攷証之漢書云中宿有涯浦關查此關正在連州江

口西岸見英德縣志關在中宿則地必屬中宿矣其証一尉佗萬人

城址英德志認定在連州江口而王氏紀勝黃氏通志均謂在

中宿北則此地原為中宿縣境可知其証二酈道元水經注云

涯浦關在中宿涯水出關右合溱水謂之涯口是涯南溱西之

清遠縣志 卷四

疆域 二

岸地屬中宿其証三涯浦關址實在連州江口唐時又名康浦

淵鑑類函引地理志云廣州一關曰康浦地理志屬之廣州則縣境達於涯水矣其

証四南漢時滇陽縣屬英州含涯縣屬廣州見通志苟清遠縣境

如今日以橫石分界則含涯為英德所隔不連清遠即不能同

隸廣州知此時涯水北岸屬含涯南岸屬清遠其証五至前清

軍制清遠左營千總設在連江口自此沿涯水南岸直入九龍

一帶俱是清遠營防地故設九龍汎流寨汎白洋水汎黃茅峽

汎大灣汎錦良灘汎以管轄之必依南漢以前清遠縣舊界而

畫疆分防其証六輿地紀勝云滇水滇水即北江合汎水於清

遠縣界汎水即連州江方輿紀要云湟水入清遠縣境與滇水合

名曰涯口涯水也云入界入境則古時清遠必以涯水為界苟

縣境不達於此汎水不能入界其証七知英德自黎峒懷厚鄉

流陳鄉黃寨鄉以至九龍一帶古時全為清遠境土所以諸書
所載涯浦關萬人城等或入英德或入清遠也兩縣所書皆為
實錄故縣南疆域郝通志張府志俱云康熙二十三年割南番
三從清遠之地置立花縣郝通志沿革表云割清遠等五縣立
花縣即秦之番禺洌江二縣地漢之
中宿番馬今查花縣志王永撰並未割清遠寸土吾縣舊志亦云
劉士驥以糧少務繁力請免割今郝通志張府志所言蓋李士
楨王又且奏請設縣時之初議實未果行也縣東南疆域雍正
九年分割吉河一鄉與英德六鄉共立大埔坪同知即今佛岡
縣是也其餘西北疆域絕無變更若夫六朝清遠郡之時其威
正廉平恩洽浮護各縣阮通志謂俱在廣府境內而郝通志則
謂四縣即故中宿縣析置二說不同其確址莫可考矣

輿地關隘附

清遠縣志 卷四

關隘

一一一

中宿縣有涯浦關班固漢書地理志注雁浦關史記注山谷深阻實禁防之

要地李吉甫元和郡縣志唐為康浦關淵鑑類函涯水合漆之處曰涯口水經注

故又稱涯口戍劉禹錫有酬馬大夫登涯口戍詩

英德縣志云謹按水經漆水過瀆陽縣出涯浦關今關稅在洸
口司前去江口尚數十里漆水無由經此意經不能無誤及觀
酈道元水經注故關實在涯水注漆之處非今關稅所在經實
不誤也史記趙佗檄橫浦陽山湟谿關令絕道自守其實湟即
涯湟谿即涯浦矣蓋入粵之道無論出豫章下瀆水與出桂陽
下涯水俱必由此則涯浦一關實當兩路衝要檄橫浦所以絕
豫章之道檄陽山所以絕桂陽之道檄湟谿則扼兩路之吭一
以便策應一以備不虞此關尤為喫緊故其後又置萬人城於
此

謹按史記南越傳云陳涉兵起尉佗令橫浦滬谿陽山三關曰盜兵且至急絕道聚兵自守查橫浦關在大庾嶺見方輿紀要陽山

關在騎田嶺見廣東新語惟滬谿一關不得其址攷漢書地理志中

宿有滬浦關其址亦不詳得英德志此說知滬谿即滬浦也山

海經滬水作滬水史記云下滬水漢書云下滬水徐廣注云滬

卽滬則英德志之說益信知史記漢書所紀者原卽一地也至

謂關在中宿者以當時中宿縣境東北達於滬水即今連州江

口湊水西岸滬水南岸之地全爲中宿所轄故班氏云然卽遞

唐時此地仍屬清遠地理志云廣州一關曰康浦淵鑑類函是

也屈翁山於滬谿秦關之外謂清遠又有滬口關廣東新語由不知

疆域變遷名殊實一也滬浦在滬水之口班固原爲滬水漢書地理

志而山海經作潢水海內經司馬氏作滬水列傳南粵傳作滬水

清遠縣志

卷四

關隘

一三

漢書鄒誕本音作滬史記反音師古注讀作滬漢地理志反漢

隸字源釋作淮唐扶頌碑諸說不同以世人少見滬字也續書

山海經又作敦浦酈道元引作郭浦又不作敦段玉裁則謂郭

滬音近卽滬浦也說文解要之作滬作淮作敦者形之誤作滬

作潢作郭者音之通以作滬音匡爲是古時滬浦地屬中宿載

籍甚詳故從東莞陳志例東莞志云未割新安以前此

以前皆詳考而訂正之

滬江巡檢司在縣東一百三十里阮通志引卽滬口陳大建二年歐

陽紇以州叛陳將章昭達破於滬口亦謂之洗口宋乾德二年劉鋹

使邵廷錡屯洗口是也阮通志引

謹按方輿紀要原書雖錄此段於清遠縣下但原文祇云滬水

合滬水之處謂之滬口並無滬江卽滬口之說攷山海經漢地

志水經注諸書淮水雖有湟潢淮桂諸名但與濳江絕遠顧氏紀要於此段之下卽接湟水又曰濳江今有濳江巡司云云以相距四十三基羅咪達之淮濳二水混而一之已誤阮通志又於濳江巡司之下卽接紀要之說又改爲卽淮口三字則更誤矣且顧氏紀要原謂開寶三年阮通志改爲乾德二年亦不合

濳江

粵大記

在縣東洪武二年改置濳江巡司其相近處有鼓樓

岡黃峒水二營俱爲戍守處

方輿紀要

謹按宋時有都巡檢有各縣巡檢之分東坡詩集有田巡檢陽江縣志有趙宋巡檢文獻通考宋有萬安縣巡檢澄邁縣巡檢東莞縣志元有沙灣巡檢清化巡巡檢選舉宋職官志所謂控扼要害處皆署巡檢者也宋巡檢所管爲各縣寨兵如張伯良爲森岡寨巡檢黎鑑爲梅花寨巡檢元代梁子政爲金利寨巡

清遠縣志

卷四

關隘

一四

檢東莞縣志馮熹□爲恩平寨巡檢

阮通志

曾元吉爲香山巡檢

香山

續志劉進程爲屯門寨巡檢圖書集成此爲巡檢管寨之證明史職官志云洪武二年於關津要害處設巡檢司此卽宋元控扼要害之寨巡檢也第此時改寨稱司非創設也

濱江砦在縣西北廻岐砦在縣西南近廻岐山洪武二年俱改置巡司同上

橫石寨在縣東洪武二年改置橫石磯巡檢司其相近者有高田營金斗角營皆設兵戍守同上

獨石砦在縣境志云縣有獨石黃田田心洋子蓮梗紀要雙石水

西亂濬白灣牛挨石光緒志羊坑雷坑石閣老虎峒桃板紀要

橫石企石三木坑十七寨方輿紀要清遠衛在縣治東統志立清遠衛於縣城以爲都闔五衛之犄角且

清遠地臨北江之岸惟其勢西與肇府東與惠州壤境相接控制非遙上至韶州下距省會地亦適中聲援可及經部准設南雄韶州爲左右千戶所以隸清遠衛從此遂爲雄藩又改後所千戶爲連州守禦千戶所中所千戶移駐濱江峽頭營前所千戶仍駐縣城如此則雖巖疆天險而南韶連惠廣肇六屬防務亦得控守之利

中宿文獻錄引花茂

疏奏

清遠衛中所在濱江白石潭

志堅訪册

謹按花茂奏摺云中中所千戶駐池水鄉峽頭地方以韃舍營爲衙署與此不同蓋峽頭營爲正衙白石潭或其行署也查千戶一所管百戶十所奏摺又云分百戶一所於浸潭以守連陽門戶故今浸潭鄉又有十所地名

潛江廢關在關前墟

良卿訪册

清遠縣志

卷四

關隘

一五

謹按潛江有關前墟則古時必有稅關在此但建設無考朱君鼇山謂墟廟向有明萬歷石刻扁額明史云太監李鳳權稅廣州郝通志亦云萬歷二十五年李鳳私人汪某督稅清遠則此必爲李鳳所設權稅之關鄉人建市於此卽因以爲墟名也

邊疆

花縣水西巡司在水西鄉其地半屬從化半屬清遠明崇貞末設守

備府於此

清一統志

從化縣有上塘營防十八山諸峒

方輿紀要

番禺紫

坭蠻獠作亂東北山溪綿亘介乎增城清遠之間南海溪峒有西南十三村綠柳浦角矢遠等蠻獠出入行劫有蘆包水爲捷徑水溢舟至清遠減一日之程三水正德時胥江被盜置指揮領兵二千

把蘆包水

郡國利病書

三水鴨埠水舊多盜賊劫掠有界牌營

四會深

坑貉巢寨也地接連清遠

肇慶府志

廣寧石燕山龍岡接大羅山昔為賊巢紀方要廣寧企岡至清遠石坎

洞地最險要府志花山營後有螺壳水賊巢俱是搖撞賊首馮天恩

踞此山外即懷集縣界 懷集縣有金鵝八搖巢近議設守備於石

田以制七縣之搖郡國利 懷地環北羣醜匿焉東北界清遠因大

羅山賊劫人勒贖越界而去故設平羅營縣志陽山李峒營通清遠

竹塲營防羅山賊紀方要佛子逕牛皮營接清遠大羅山防蕉坑賊黃

柏逕梅花逕防羅山沙埔圍與石馬汎接壤金雞嶺與清遠交界山陽

縣志八排搖其三隸連州北至湖廣東南至清遠皆三排流劫之地集懷

縣志英德黎峒營正德置黃寨營嘉靖置風逕大陂逕俱通清遠德英

縣志跌牛石與清遠連嘉靖置營統清志牛角塘通吉河亞婆髻過均為

新洲沙河大軍均通池水虎逕通清遠嘉靖中置營縣英志英德虎尾

逕營清遠西山搖寇出沒道有戎兵紀方要英德洽洗正德為鎮城清

清遠縣志

卷四

邊疆

一六

遠懷集寇至則入守又黃寨流寨虎尾逕當清遠寇出之路以狼兵

五百指揮一員立一營郡國利

水西巡檢司在花縣東其地半屬從化半屬清遠盜賊由之出沒明

崇貞間議立清從州不果後設番從清守備府今廢圖書集成

大廟峽逕路四通花山鐵山諸寇率從此乘龍艇出每艇二十餘槳

首尾如一上下互為首尾輕捷如飛多用砂砲利器遙見黑煙一點

即已中人又從殺雞坑而出坑口下又有潛江大燕兩水口及黎峒

坑皆賊要衝戍兵往往與通咫尺間輒不赴救哨船塘舖皆在大廟

對岸不當隘口名為禦寇其實避之廣東新語花山地方延袤其間有三

扶田等處皆萬山重疊路徑險僻自古及今積賊難除苦圖淨盡根

株必須專設縣治張府志

嘉桂嶺當南禺三從之中連接清遠山峒為盜賊往來衝要隆慶時

何端恪王青蘿見其地在萬山之中盤踞五邑之界以建城立縣控制要害安戢峒蠻為保障一方之計昔人謂治廣以狹誠上策也訂議多年以浮論而止廣東新語

謹按花縣了髻嶺或謂即嘉桂之訛康熙二十一年巡撫李士楨奏請設立花縣部議不准二十三年學使王又旦又奏云清遠禹從之間崇山峻嶺喬木茂林峒賊出沒焚劫時聞水陸交困兵去復聚剿撫無功花山一隅為南方最險之區番禺清遠之界負隅之徒每籍盜以通糧應請設立縣治乃奉准立花縣於此府見張志此地即何端恪主立縣治處也屈翁山云賊首在巢曰飄字在花山一帶者曰東飄子在鐵山一帶者曰西飄子皆亡命之徒廣東新語清初吾邑受禍極慘迨白爛中呈准剷除鐵爐賊徒乃散亦由設立花縣得官兵彈壓死灰始不復燃也

清遠縣志

卷四

邊疆

一七

輿地

城市坊鄉

清遠迎恩坊

郝通志

在城內外

史府志

興賢坊白雲坊

郝通志

南門市下郭市四牌門市

張府志

謹按史府志光緒忠皆謂迎恩一坊今郝通志張府志有興賢登雲四牌門之名其地址今不可考至城內之聚星里城西之魚蝦巷等據圖書集成引明府志尙有其目今史府志光緒志皆不載則古來坊里名目變更者多矣

宋時清遠分四鄉

元豐九城志

明初因宋元舊寨分設橫石巡檢司濱江

巡檢司廻岐巡檢司濳江巡檢司共四司屬

見圖書集成

內分八鄉又名

八都興仁鄉曰後崗都靖定鄉曰龍圃都太平鄉曰南塘都善化鄉

曰廻岐都池水鄉曰河洞都清平鄉曰清湖都濳江鄉曰高灘都吉

河鄉曰黃田都

郝通志

謹按晉時大縣定置四鄉官志吾縣此時鄉數無攷然以官

秩論之當置四鄉此時大縣曰令小縣曰長宋書至宋代四鄉

始有明文元豐九明初因之設四司巡檢內分八鄉張府志成

化時立都長以統鄉夫黃瑄志置都老以理鄉事陳白沙詩云故

又稱為八都查東莞縣文順鄉統四都四會縣永寧鄉統五都

高要縣遷修鄉統十二都高明縣清泰鄉統十都而吾邑則一

鄉統一都與宋制固殊與明制亦異待攷

明中葉時裁撤橫石司巡檢其所屬地方高田橫石江口一帶撥入

濳江司管轄以下一帶撥為典史管轄故稱捕廳屬禹山訪册

謹按黃洞高田一帶郭氏族譜云黃洞屬濳江司郭玉礎稱郭

馬氏等碑誌皆云然攷圖書集成引府志云橫石司巡檢在濳

江鄉則其說信矣蓋裁橫石巡檢後此地撥濳江巡檢管轄也

清遠縣志

卷四

城市坊鄉

一八

嘉靖時人口日蕃濳屬地方拆分為濳一鄉濳二鄉吉河鄉捕屬地

方拆分為興一鄉興二鄉靖定鄉及廻岐司三鄉濱江司一鄉合共

十鄉禹山訪册

謹按縣置戶科向分十鄉徵糧但何時分割舊志無明文今水

東廟嘉靖鍾欵有興仁二鄉字樣則分鄉當在嘉靖時矣

清雍正十年設立佛岡廳同知清遠分撥吉河鄉隸之自此實得九

鄉各鄉分設保約俗稱為堡如濱屬分十六堡九十六約見魚礎而

屯步堡則分八約其他無何稽攷光緒十四年定為八十局其後同

仁分為同和共為八十一局計濳屬十八局仁安局永安局義安局忠安局信

安局聯衛局興禮局興仁局官山局太平局同泰局聯泰局高平局

捕屬二十七局威泰局聯興局合安局北局合安局南局聯盛局古城局

和潭局大連局安局人雲局同平局中太局均安局赤城局保安局城南局

廻屬二十和化平局保南不定局平安局均和局軍局救和局康局雲祥局雲昇局雲和

連局均聯福局同仁局雲濱屬十六局屯步局石坎局南長洞局珠坑局河洞

雲局羅塘局岐塘局井塘局黃宣統元年調查戶籍畫分鄉鎮選舉

全縣定為十區民國三年分定捕屬為一二八區濱屬為三四五區

廻屬為六七區濶屬為九十區區下分段然此為辦團警之用至其

地域鄉人仍稱之曰某局於是局所成為疆域矣訪冊十九年頒行

選舉乃改定四自治區捕屬為興靖區內分十二鄉濶屬為濶江區

內分十八鄉濱屬為濱江區內分十八鄉廻屬為廻岐區內分十一

鄉縣政府

典史屬俗稱大鄉三小村四十八廣東輿

興二鄉迎恩坊在城內外光緒城內街二十九史府南門大街置

前街北門直街西門街茅巷街倉前街倉後街倉中街衛西街衛

清遠縣志

卷四

墟市坊鄉

一九

東街青雲里淘沙巷細路街興賢街東門街天湖街萬壽街東教

場街大地塘街新街大觀街起鳳里鳳凰街線香街人和里龍騰

里麒麟里武安街登瀛街光緒城外街十一史府上廓街上廓后

街上濠基舊城圍下廓街下濠基康王巷下廓后街餘慶里圓石

里永安里興仁里古巷尾榨油巷崇厚里仁壽里忠心里扁柏里

石獅巷鐸仔里興華里石圍塘社仔尾高岡圍光緒

興一鄉後岡都村一百一十三史府後岡村岡背村石坑瓦田寮

桐油村紅花潭大塘村長岡尾上下山口上下田心廖屋潘村八

片榨油村落劉村芋頭岡秋風坑馬頭岡鵬鷹岡上下楊梅坑

田龍灣岡仔頂鰲塔脚桂塘低地黃京座白蓮濠蔗寮岡萬壽村

小濬村白土漚天塘圍上下長埔螺坑黃板塘擔水岡上桂塘黃

茶壘沙撻嶺王塘石板白茫坑石鼓壑蟠龍圍森木洞大榔底平

塘嶺脚嶺窩榕樹圍南北坡峽頭荔枝園古井黎頭岡新圍勒園
下馬頸上大塘上下鴨灘土紫嶺石橋頭赤草埔岡陂洞白樓湖
邊山塘石壁湖虎頭嶺黃巢壩新州角黃金埔平山村白石坑眉
坑村禾倉岡南蛇凖白牛潭新塘桂窟果園村帶祿塘梅步塘仙
人石霞洞竹洗涂屋黃屋排大逕舊嶺桐峒山陂九江廠曹屋高
田凹頭康樂里竹圍塘尾倉坑額坑溫屋東坑橫洞臺村大小河
料冷水坑飛橋大石鼓西坑樟峒文峒黃藤峽筆架山小市村上
水南村下水南村光緒志

清遠縣志

卷四

城市坊鄉

二〇

靖定鄉龍圃都村六十二史府志沙漚村東村瀝頭村長村連水村
石富頭村大木洲三角雷蓮塘百嘉村窰岡受田坑象牙基塘邊
岡頭赤水急水凸鳳凰岡莫屋村茅涌黃塘曲塘東邊頭沙頸村
頭牛奶頭大木頭魚仔坑鳳尾圍黃琦水大坪埔東坑三丫頭河
塘大岡脚水湖墾安豐圍瑞廟山大蓮根竹庄大坵村掃鷄市良
洞榕樹嶺臺前橋頭村漣汾村龍獅田青龍岡麻岡村黃坭塘村
高坵村寶鴨塘石林村祖母塘石梨塘企湖塘銀地坑湖洞龍船
步黃洞涌叔伯塘金斗角雙頭神前坵葛藤漚高車光緒志

滙江司屬大鄉二小村三十四廣東輿地圖說

滙一鄉高灘都村六十一史府志麻地岡村獨樹脚長腰嶺湯塘高
灘長埔西坑峒白石湖東坵粘果龍骨塘冷坑車步上嶽村下嶽
村官路唇水口白沙凖秧坎埔南坑北田村官田北坑新村巡檢
司林塘黃峒滄坑象岡圍東坑圍鎮譚頭上下黃墾從化圍伸瓜
埔欖樹脚下池村灣木塘茅岡村浮良鶴田竹園羅塘魚龍嶺大
埔社岡龍頭埔河田上下太平里紫馬嶺洪興里仁和村穩洞上
下黎棣萼村蔴園庄大龍村將軍塘光緒志

滙二鄉高灘都村五十一志史府鳳岐村沙湖村岡心村下岡低田

高橋水廟山大連帽子嶺石鼓嶺水西三埭田黃羅官莊烏石下

橫岡村白沙塘良塘田心蓮塘樂格西嶺黃溪黃村王家村鼓頭

嶺田寮藍圃車頭逕上橋根竹園霞村洞白圃黃茅坦大塘村鯽

魚塘榴粉村大龍村倉厚村大塘河洲圃石逕大圃松仔圃連興

圍灣扶村木棉村南村志光緒

廻岐司屬大鄉三小村四十圖輿地說

太平鄉南塘都村二十五志史府南塘村大圃岡古水棚村山鶴岡

漣塘社邊村赤珠岡望樓岡鯽魚壟福興圃花岡松樹岡石橋馬

頭岡金亭基大嶺脚福船岡黃岡黃坭塘鎖塘岡新舊馬鞍岡門

口岡利坊村志光緒

善化鄉南塘都村三十九志史府廻岐村成岡白米舖碑頭留禾倉

清遠縣志

卷四

城市坊鄉

二

大陂坑頭蓮塘清湖新繩圍新寨圍永安圍西龍圍新興圍鎮龍

市石雲村陽和村牛寮寨心步圍永昌圍大圃村半石岡頭托盤

寨上下屏岡行頭擇善寨楓坑圍大鑊塘新橋圍華圖旱坑頭營

下圍又新橋新東圍黃沂沘新竹橋烏岡楊梅塘芝蘭里新興新

庄新洲志光緒

清平鄉清湖都村六十七志史府田心雷屋邊李石岐油榨何岡熱

水塘蛇逕三家塘頭石磯沙步虎山明屋東村靈洲大燕大東邊

了山樹青樹村廓邊竹園澄洞坑薄排山脚馬頭石芋莢塘南村

三多圍長連岡平頭嶺上下石沙溪浸木塘橋北橋南黃沙塘牛

岡地大竹逕凹背猪牯石芝山冬瓜埔古台小塘黃沙嶺新村禾

谷嶺長埔蕉坑銀盞凹高橋上下冠帶泥橋大坊田井嶺黃泥嶺

橫坑卑坑蜆坑大沙塘蛤𦉳口得貴村龍塘營風車嶺石嶺丁字

望西宅 光緒志

濱江司屬大鄉二小村四十五 輿地圖說

池水鄉河洞都堡十六村九十 史府志 珠坑堡頭巾灘巡司圍石埔

廟坑河洞堡板潭圍大圍長江圍白屋圍長洞堡黃泥嶺大坪小

長洞屯步堡龍頸大圍鷓坑茅田中宿城欄高村石馬堡石拆邕

沙圍塘坑旺洞平樂圍南涌堡川凹平岡仁化里雷劈石觀音寨

龍窟白石新洞白茫白藤坑紫洞黃竹石坎堡新寨營坑轉叻坑

尾禾雲堡烏泥田峽頭營上下田心東坑壩仔堡黃沙坑蒙塘水

樓新埔井塘堡利田村松柏壘廻龍岡大圍烏石岡羅塘堡新洲

官人嶺岡嘴頭松坑圍飯羅岡蓮塘岐塘堡沙河獅子圍石榴花

湖整圍黃村堡石嘴廟背水邊圍浸潭堡蘆苞沙路獨石車田蒲

杓頭和聯岡蓮梗白石潭堡良灣白灣上下灣東村大巖洞石湖

清遠縣志

卷四

城市坊鄉

三二

塘橫岡東瓜棚水西聯濬鐵屎岡雙石橫石堡橫石洞塘坑洞桃
枝洞老富洞凍逕洞水角洞三木坑洞白花蘭洞蕉坑洞魚仙洞

光緒志

謹按廣東輿地圖說以清平鄉隸濱江司以興一鄉隸廻岐司
與史府志所載鄉村均多錯誤今參攷光緒志訂正之

現在區鄉名目

百十里數

千戶百十戶數

丁千百十人數

興靖區

安善鄉

零八九

一九八七

一一九二一

大蓮鄉

零八八

一四八七

零八八零八

保赤和鄉

零七八

一七六八

零九六八二

雲連西鄉

零三四

零七六二

零四一七五

平安南鄉

零七三

一八八二

零九八六八

聯城鄉	零八四	二二四四	零一二二
人中鄉	零三一	一一五九	零五九三九
鎮平鄉	一七七	一九一六	一一零四四
合興鄉	零八一	一三七四	零五七九零
永義康鄉	零六九	一三九三	零六八二六
咸泰鄉	一二二	二四二五	一三五三八
同和鄉	一一四	三三六	一七三八零
廻岐區	百里十數	千戶百十數	萬丁千百十數
太平鄉	一八三	四七三七	二四三三五
化平鄉	一五一	三七四四	二零九六六
化寧鄉	零六九	一五七零	零八零八四
德和鄉	零五六	零九七六	零四八二六

清遠縣志

卷四

城市坊鄉

二三

連平祥鄉	零四三	一七九零	零九二五六
仁益鄉	零七一	一五八五	零八九八一
和平福鄉	零八九	一二四零	零七二九三
衛寧鄉	零六八	零七三四	零四四二七
共和鄉	一零九	一七九四	零九五一八
昇平鄉	一二三	三二八五	二零四三六
濱江區	百里十數	千戶百十數	萬丁千百十數
屯步鄉	一零九	一二三六三	一三四八二
石坎鄉	零五五	一三五三	零七三四四
石馬鄉	零三四	一一四四	零七零三零
平岡鄉	零四二	零九七二	零五零零零
南埔鄉	零七八	一六四二	零七三二九

河洞鄉	零三三三	一六九三	零八二九四
珠坑鄉	零三四	一二三六	零七四零五
壩仔鄉	零三三三	零四八六	零二八七五
魚嘴鄉	零四零	一零六零	零六七四九
長洞鄉	零四三	零八八四	零四八零八
禾雲鄉	零八四	一二三五	零七三三七
建中鄉	零二四	零五四八	零二九五九
羅塘鄉	零八一	二零一二	一零九零零
岐塘鄉	零四零	一零零四	零五三九四
井塘鄉	零三四	零九零一	零五五七五
浸潭鄉	一零三	二三八九	一九六九七
橫石鄉	零五四	二二八七	一三零六六

清遠縣志

卷四

城市場鄉

二四

石潭鄉	一三一	二三八三五	一二三四六五
濛江區	<small>里十里數</small>	<small>千戶百十戶數</small>	<small>萬丁千百十人數</small>
仁安鄉	零六八	零八三四	零三八八九
義安鄉	零三八	零八六七	零四七九四
信安鄉	零五八	一一九一	零五七七零
忠安鄉	零三三	零八三四	零三八五零
永安鄉	零二零	零四九三	零二一五二
定安鄉	零二零	零五七七	零二六八七
靖安鄉	零二零	零三九八	零一六二六
聯泰鄉	零四五	零九五四	零四六三六
同泰鄉	零四五	一零零四	零六一零二
聯衛鄉	零九三	二六三四	一一一八六

興禮鄉	零五七	一八九四	零九七一二
興仁鄉	零二三	零八七一	零三三一七
太平鄉	零二八	一二四八	零五三五三
官山鄉	零一三	零四二七	零一八六一
高平鄉	零三二	一五三九	零八一四七
泰安鄉	零五四	一四七五	零七二七三
松潭鄉	零五零	一二二八	零六三八二
公和鄉	一零五	一七四九	一一九一八
附城	百十數	千戶數	萬丁口數
清遠鎮	零八五	三二二七	一六二九二
各區墟鎮	一一七	三二五三	一二九二八

以上縣政府檔冊

清遠縣志

卷四

城市坊鄉

二五

謹按里有二說有步里之里大戴禮云三有鄉里之里周時五家為鄰五鄰為里禮周是二十五家為一里矣其後改八十戶為里公羊漢晉時百家為里宋書百北魏時二十五家為里見魏北齊時五十家為里見唐唐宋時百戶為里見二至明則以一病國利百一十戶為里當時清遠編戶十里其後擴編十方輿七里紀要日知錄云每里之首先列一圖故又稱圖肇慶府志云圖即里也舊志不載圖里惟濠江一二圖見於郡國利病書餘不可考矣若今日之里規定二十五戶為一里地方法規茲照縣政府調查冊參議會議案錄撮其總數焉

清遠墟曰天塘黃岡廻岐濠江郡通清遠墟三十三輿地清遠墟四

十光緒現在墟六十二各鄉而大墟市有鎮公所者十二縣政府

謹按各墟名目狀況因以商業為重已詳錄於實業類此祇錄

其數目耳至本縣人口據參議會檔案十九年調查者爲六十八萬八千餘縣政府檔案二十四年調查者爲五十二萬七千餘而民政廳全省人口調查事務處二十四年調查者則爲五十一萬四千八百七十二

越華報載

與參議會縣政府各檔冊迥殊

知調查人口難得確實矣

濱江區原為濱江司池水鄉河洞都民國初分三四五區

屯步鄉前為屯步局民國初屬三區

村別	姓	遷徙源	方言	丁口數
大圍村	黎	宋末 福建	土話	五六八
	廖	清中 海南	土	一七四
	張	清初 逕口	土	五四
	鄧		土	五
	黃	清中 東遷來	土	四四
	賴		土	六二
	陳		土	二四
	吳		土	三
	趙		土	一八
	黃		土	一八
	溫		土	一八
	張		土	六六
	唐		土	八
	楊		土	七四
	鄧		土	六
	王		土	六六
	鄧		土	三五
	梁		土話	一五

清遠縣志

卷四

城市坊鄉

二七

村別	姓	遷徙源	方言	丁口數
黃竹坑	潘		客話	二
	賴		土	一
	沈		土	五
	邱		客	二六
龍頸墟	陳		土	二二
城甌村	黃	明初 杭縣遷	客	二五
永新圍	陳		土	七二
	成		土	九四
	黃		土	六八
	高		土	三二
	廖		土	一二
	成		土	七六
	劉		土	六
	張		土	八
	黃		土	二二
	官		土	一六
	陳		土	二
	潘		客	一
	廖		客	二六
	林		土	六
	梁		土	一
	成		土	八
	鍾		土	四六
	王		土	三

清遠縣志

卷四

城市坊鄉

二八

曲灘村	陳	土	七六	麗璧村	程	土	一四二
-----	---	---	----	-----	---	---	-----

廖	土	二六	鷗坑村	陳	土	七九八
---	---	----	-----	---	---	-----

車田村	羅	客	一八	橋頭村	劉	土	一四
-----	---	---	----	-----	---	---	----

茅田村	朱	土	五一六	逕口村	張	土	四七二
-----	---	---	-----	-----	---	---	-----

興基村	廖	土	二四八	麻竹坑	黃	土	二二二
-----	---	---	-----	-----	---	---	-----

新村居	曾	土	一三	馬仔山	胡		六四
-----	---	---	----	-----	---	--	----

永樂村	楊	土	二二二	中心逕	陳		九八
-----	---	---	-----	-----	---	--	----

鶴山村	陳	土	二二八	胡			一一四
-----	---	---	-----	---	--	--	-----

盤龍村	馮	土	三八	葉			三八
-----	---	---	----	---	--	--	----

龍	土	一	江				一八
---	---	---	---	--	--	--	----

羅	土	一二	潘	客			一八
---	---	----	---	---	--	--	----

梁	土	一二	馬牯坪	李			三三三
---	---	----	-----	---	--	--	-----

馬牯坪	范	土	一六	白	土	九六二
-----	---	---	----	---	---	-----

陳	土	一二	白	土	三二四
---	---	----	---	---	-----

陳	土	四二	黃	土	三二四
---	---	----	---	---	-----

李	土	二八	劉	土	一四
---	---	----	---	---	----

蓮塘村	戚	客	六三八	饒	土	二
-----	---	---	-----	---	---	---

王	客	四一六	山背村	胡	土	四六
---	---	-----	-----	---	---	----

官	客	二五	陳	土	一一八
---	---	----	---	---	-----

鍾	客	一五二	羅	土	六八
---	---	-----	---	---	----

羅	客	一五二	溫	土	一六
---	---	-----	---	---	----

鄭	客	一四八	劉	土	八
---	---	-----	---	---	---

楊	客	六六	潘	土	六
---	---	----	---	---	---

羊尾逕	張	土	六八	鍾	土	二
-----	---	---	----	---	---	---

村大圳口

東明江未由

村大塘邊

社水村東西

社水村東南

社水村東西

社水村東北

頭明遷中來

建明遷中來

社明遷初來

江宋遷末來

頭明遷中來

及明陽山

水東西
社村西

謝龍青
中田

土 一 古樓塆 劉 土 九二

黃 二 打過鐵 陳 土 二四六

鍾 四 蔡 土 四

沙坪村 陳 鍾 土 二五 朱 土 三四

張 一四 李 土 二八

楊 一四 下高村 陳 土 一二二

上高村 陳 楊 土 二五二 黃 土 一六

梁 一 黎 土 一六

蔡 一 廖 土 八

劉 八 石頭塆 黃 土 四五

格塘村 陳 邱 土 一五二

清初來井

清初浸

清遠縣志

卷四

城市坊鄉

二九

旱田村 胡 土 三 留獅洞 陳 土 六六

楊 土 四 胡 土 一八

楊 土 八 鄧 土 五六

陳 土 四 朱 土 三八

崑崗遙 吳 土 一四四 潭遙村 蘇 土 七六

李 土 六四 黎 土 二四

陳 土 八 邱 土 二二

賴 土 一 潘 土 四

朱 土 三四 龍 土 一八

大坑村 龍 土 三六 薛 土 一八

留獅洞 張 土 一二六 黃 土 三

廖 土 四四 馮 土 一

潭 邕 溫

二 潭 邕

劉

二

歐

二

以上合共丁口一萬五千一百一十九光緒十九年戶口冊四

全鄉共丁口一萬六千七百一十民國十九年調查冊九

全鄉共丁口一萬三千四百二十民國二十二年調查冊十四

謹按修志局開始時以舊志鄉村名目不全商定照此款式刊印表冊分交各採訪員及各鄉公所填報但依式填報者寥寥據陳君啟儀檢得光緒十四年濱江調查屯步鄉戶口冊送局茲錄於此待各鄉照式填補入焉

輿地 民族

粵東之地三代時全為蠻夷所居至秦始皇開郡縣謫徙民於是始有中原民族尉佗云頗有中國人相輔是也史記傳記迨至漢之建安晉之永嘉南來始衆黃通志云漢建安晉永嘉之際中國之人避地者多入嶺表子孫往之家焉其流風遺韻衣冠氣習薰陶漸染而加以唐之謫降宋之南渡占籍尤多輿地紀勝云唐世孫皆客居嶺表而趨占籍於各縣由是炎黃華裔遂遍殖於南天矣吾邑當北江之要衝正南來之孔道中原人粵此其中樞故先民移殖應亦最夥而最先惟是世遠年湮譜牒多失遷徙來曆每不自知約畧可攷者郭氏來於南渡郭氏譜云宋徽宗時遷來王氏來於宋初西閩碑

墳墓朱氏兩岳白氏水東謝氏田龍米氏塘皆為元代奠居俱有譜世餘俱溯始珠璣多謂遷徙從宋末及夫明世遷殖更繁此皆謂之士

清遠縣志

卷四

民族

三一

著也其明初遷來者如上杭黃氏城興寧羅氏黃沙福建江氏等

謂之舊客家清代佔籍者如三區邱氏平岡六區潘氏破頭七

區何氏等石角謂之新客家舊客家其話頗白此外又有安置外國

之族宋史云成化間安南夷莫福山等百餘人來奔清遠等縣郡國利病書

惟其數甚少至若舊日越人竄居山谷舊志謂其久樂昇平皆知向化想其數亦無多今觀邑中各族大率來自中原為中國之貴裔焉

見宛委文集

聖賢族裔

謹按吾邑民族多出中原然求其世系詳明不可多得故僅列聖賢數家於此

孔氏孔子裔也孔子三十八世孫幾唐元和時官嶺南節度使生四子長溫質生子絢以進士任丹陽令卒於官其子昌言遂家於此延

至五十世標徙居合肥縣東鄉至五十六世希政於元末由合肥隨太祖平建業從廖永忠平廣東洪武十五年調任清遠衛總旗遂家於下廓街至六十一世昕以舉人官山東觀城知縣於嘉靖二十二年携譜詣孔林進香核與貯庫老譜相符當由衍聖公移咨行本縣優免嘉靖四十一年正月十七日衍聖公委監生孔弘訓賚咨文移會藩司乞將清遠孔昕等喚集到官重修族譜並將各戶下糧米雜差里役照例一體豁免萬曆三十六年五月十七日衍聖公委派監生孔弘坤舍人李得時咨移藩司乞將孔氏戶下雜差里役照例行縣一律豁免乾隆三年十月衍聖公咨移撫院王仰藩司力行廣府劉飭清遠縣余景玠牌示希即通行流寓聖裔會同委員孔傳憲秉公修輯宗譜叙明支派清釐字輩凡屬聖裔照例優恤乾隆四年六月由知縣余景玠呈申奉此查孔興伯等委係至聖一脉相承並無

清遠縣志

卷四

民族

三二

冒宗傳會情弊相應申繳咨送道光四年衍聖公委派五品執事官孔昭太候選主部孔憲哲咨移廣府高行縣周督修宗譜今城內及濱江珠坑皆其裔也

見衍聖公
印族譜

曾氏乃宗聖曾參裔參十五世孫據耻事王莽遷廬陵三十四世畧徙撫州三十九世延鐸徙南豐五十一世愷遷寧化五十三世佑孫遷長樂其子儻遷興寧五十七世太遷英德五十八世念三遷上杭六十世惟通遷英德黃寨六十一世志明末遷濱江斗村六十三世景達遷新洲大份田今龍頸茅田皆其後也

武城曾
氏族譜

梁氏乃孔子弟子先賢梁鱣之後鱣齊千乘人遷居魯曲阜五十五世紹遷居南雄府保昌縣璣珠巷五十八世鑰遷福建晉江縣五十九世拱官南雄州司馬遷居南海石碓後改順德屬七十四世以傑由石碓直涌坊於清順治初年遷居清遠縣濱江司禾雲鄉田心村

朱氏乃朱文公熹裔文公長子塾生子鑑鑑子浚官吏部侍郎萬統
浚字文煥宋末護端宗駕南來在北江禦元兵戰死於橫石遂葬於
此其子裔賢等卽入籍焉其四世孫子英始遷居上岳村今分枝下
岳舊城皆其裔也見兩岳朱氏族譜

黃氏乃從祀聖廟黃幹之裔幹爲朱文公之婿生二子長行密官慶
遠節度使謫知始興縣其孫仁遠入籍保昌縣沙水村曾孫義質遷
居英德縣平地烏塔村六世文淵於元末遷廣州城詩書里七世鳳
廷洪武元年由廣州遷居清遠之吉河鄉虎子嶺分枝東村各處今
城內起鳳里黃茶壘滘江口三坑等處皆其裔也見東坑黃氏族譜
各鄉氏族

謹按清遠舊族如二區六區之郭氏大均四區之王氏井塘

清遠縣志 卷四

民族 三三

七區之林氏陳氏石基石三區之黎氏屯步八區之劉氏岡頭

九十區之徐譚曹文氏皆於宋代遷來其餘世俗所稱宋末由
珠璣巷遷來者幾衆口一詞然不能言其原籍與遷來時期則
亦不足據也今據所見族譜碑誌畧錄以見其概其他各姓詳
注於丁口表焉

黎氏始祖化宋末由福建連城縣遷來今珠坑石涌龍頸大圍皆其
裔也西岡郭氏華陰人宋欽宗時遷粵分居均頭下廓大埔岡郭氏

劉氏元錫宋世由福遷建來岡頭岡頭徐氏始祖馬遜宋末遷來今
帝田車步其後也徐氏白氏宋丞相時中之族南渡徙錢塘宋末由

錢塘縣來官儒學元世奠居於水東村今河洞石馬由此分枝白氏
謝氏宋咸淳時由南雄珠璣巷遷來田龍灣謝氏米氏乃芾裔也

芾十世孫由襄陽縣於元世遷居澧塘朱氏黃氏始祖粵天明初由

福建上杭遷來城欄村族黃氏張氏始祖貴成化由山東魚臺縣調官

本邑遂家焉西碑廖氏征南將軍永忠之裔明初由巢縣遷來今車

頭壩長洞皆其裔也碑馮氏北宋入粵明初由南海遷石角塘頭村

馮氏族譜

稀姓

疾姓清遠貢生敬王士真翊姓清遠貢生敏凌姓稀姓之奇莫

奇於翊姓音擅宋時欽州有禡某嘗為峒長阮通志見錄

謹按翊字萬姓統譜音達聞見錄字典字彙皆音喧字音互異

本邑附城井塘田心各處翊姓甚多明有知縣翊敏翊以仁教

授翊有光教諭翊芳清有鄉賢翊庭芬縣丞翊善祥教諭翊濟

朝訓導翊登仕等皆作翊從示萬姓統譜陽江志皆作翊從

從羽字形亦各不同孰正孰俗不可知矣若夫疾姓今查邑中

清遠縣志

卷四

民族

三四

無此族卽舊志亦無疾敬其人弁山不知何據

神氏沙河封氏茹氏濱江麥氏捕曲江始有麥鐵杖今清遠為著姓始

征氏完氏舊志巢氏附城韋氏峒溪織志云廣南韋氏韓信之後

國以何章者去韓之半也今濱江有此姓柯氏戈氏江盤氏濱江

張府志云大明氏庾氏江

謹按阮通志各縣志多有稀姓一門今畧列其可知者錄之

猺獞蠻族

俚俗有三曰蠻戶以漁釣為業又二種蠻皆舊越人也一曰猺椎結

跣足食盡一山則他徙二曰獞露頂跣足花衣短裙鳥言夷面又謂

之山人自新會香山從化龍門清遠迄陽山連山有之今不可辨皆

呼俚人圖書集成

南蠻下要服一等島夷在唐虞猶與之要質故曰要服蠻則頑於夷

矣以荒憬不可與論故置之荒服以遠之夏商時漸為邊患周時黨衆彌盛故詩曰蠢爾蠻荆大邦為仇至楚悼王南併蠻越遂有蒼梧蠻越之衆自此踰嶺而居溪峒分獠獠二種獠乃蠻荆獠則舊越人也獠本盤古之種即古長沙五溪之蠻也其後藩衍南至二廣獠出湖南溪峒蔓延廣東佃耕荒田時相仇殺有司頗賴其力以捍獠人及後勢衆亦與獠人無異肇高廉雷新會四會連州清遠在在有之

郡國利病書

峒獠者嶺表溪峒之民古稱山越唐宋漸廣推其雄長為首領其餘不可羈縻者則依山林無版籍姓名謂之山獠虞衡志所謂蠻之荒忽無常者也周命楚熊惲鎮定夷越其後吳避越越避楚其子孫皆遂蠻夷而居至於南武城遂為揚越之都廣州諸縣並俚獠種類繁

熾上同

清遠縣志 卷四

民族 三五

謹按吾廣古稱百越族類之衆可知近世所謂獠獠俚獠皆百越之遺古號南方蠻夷者也武王經國令南海八蠻近荊州者為蠻荆近揚州者為蠻越馬通歷不過以其地畧為區別耳非謂其種落皆出荆楚也顧亭林論獠為蠻荆獠為舊越又謂獠出湖南蔓延廣東嶺表峒獠古為山越云云未免武斷夫百越部落統號蠻夷史記云鎮爾夷越昔趙佗自稱蠻夷大長老夫臣佗是也至俚獠之名漢唐始著朱子曰語類云溪洞蠻獠曰獠曰獠蠻之目宋元乃興宋博始稱蠻志云至此皆百越遺民因避秦而竄居山谷史稱屠睢越人越人逃於叢薄不肯為秦虜者也吾邑山谷阻深蠻夷尤夥漢碑云夷越掃摠淮夷來降扶頌碑宋書云徐豁奏定中宿俚糧宋史列傳凡言涯浦中宿皆吾邑地方至明生齒更繁兩廣地方遍受禍其花茂云前之火種刀耕止

在山谷今竟時霸田地勢侵紳民中宿文獻加以贛桂山寇

奸民雜處其中聚羣攻劫應布加以柳桂臨賀上猶安遠山寇

奸民雜處其中分羣聚故獠獠猖獗綿歷百年洪武時有花茂

之剿嘉靖時有談愷之征此皆興師數萬斬級數千者其後連

年鵬剿淘汰無餘縱有子遺亦退入連陽獠排之內故清職貢

圖備列各縣之獠不列清遠清職貢圖云獠本槃瓠之後裔延

康熙間歸順則其族類已絕跡於吾邑固已久矣

清遠縣獠山一百有六東南至從化縣白水坑界三十三有瓢湖新

巢鮐竹坪巢低徑巢鷄公坎巢西坑巢風門巢香爐坪巢楊梅坑巢

大茅坪巢由稱田巢阮通志小水巢滴水茗巢阮通志車頭逕巢中

岡巢走馬峽巢黃華岡巢狗犬坑巢逕口巢乾坑巢老人松巢黃坭

坎巢阮通志大塘良村巢新占扛板嶺巢水逕巢青龍岡巢大塘尾

清遠縣志

卷四

民族

三六

巢梅坑巢三埭田巢良峒二巢朱溪巢砧下巢蕉坑巢北至連州界

三十八有宿沙奸巢阮通志飛橋坑巢上坑巢打鼓坑巢下逕巢黎

頭咀巢石峽巢阮通志長流水巢龍潭巢西坑巢蔡坑巢樟峒山巢

文峒山巢黃藤峽巢黃坑巢雙坑巢白樓巢蒲溪巢羊橋坑巢蘇榔

巢黃皮四巢斗樹嶺巢黃岐塘巢黃坭塘巢苛坑塘巢隴下巢新峒

巢西坑巢羅地坪巢鐵坑山巢橫水山巢新村嶺巢黃田巢鼓條坑

巢張坑巢坎頭嶺巢响水巢枋棗巢阮通志槐石坑巢郡國利西至

四會縣界三十五有南田巢丙水巢黃滙壘巢大姨坑巢小姨坑巢

甘竹坪巢村狗坑巢白水砧巢葫蘆坑巢龍脛巢大欄巢大荒巢小

荒巢大小荒巢白茫逕巢大塘逕巢上下板峒巢鵝村山巢均坑山

巢石川坑巢白茫山巢籬梗坪巢芋茨塘巢蛇坑巢白藤坑巢南涌

巢新峒巢黃竹水巢梅子坑巢大容山巢小鷄山巢大鷄山巢羊子

寨巢封坑巢大山巢

阮通志引郡國利病書

謹按白花蘭白花塋明為清遠地郡國利病書以清遠之白花蘭白花塋為連州界又漏去清遠西至四會三縣十五巢而錄從化之仙羊溪至鍾峒巢等三十一巢於清遠皆誤阮通志所引舊本亦無此段今除之從阮通志錄焉

中宿縣俚民巢居鳥語不嫻貿易之宜

宋書良史傳

清遠有獠百餘巢向則花衣短裙跣足露頂性極強悍猜忍好鬪就

耕山谷

中宿文獻錄

大羅山有一種頂板獠傳為盤古皇裔今獠人多盤姓

眼府志

光緒志云謹按舊志載有獠峒池水上中下三峒共獠村三十興仁鄉獠村十滯一鄉獠村十六廻岐鄉獠村四吉河鄉獠村八今所居皆土人未知獠獠散於何處抑或漸染日深變為衣

清遠縣志

卷四

民族

三七

冠文物之俗也故畧之

謹按舊志獠村六十八而郡國利病書則一百零六蓋雜列獠巢及新闢巢計之故不同至龐尙鵬謂百四十五所則傳聞之誤也據各鄉訪册皆謂獠獠絕跡即往居原日獠峒之人亦皆清代遷入並非獠種有譜牒可稽蓋絕跡久矣光緒志疑其漸染日深變為衣冠之俗實臆度之詞耳後漢書云南蠻出槃瓠之後今郡國利病書張府志謂盤古皇裔亦槃瓠之誤也

清遠縣境江道北接英德南達三水多黎獠水蠻之患

方輿紀要

以舟楫為宅捕魚裝載以供衣食

獺家

廣東新語

秦始皇時使尉屠睢統五軍監祿鑿河道殺西甌王越人

郡國利病書

不服皆入叢薄與魚鳥處不肯為秦虜意者蠻即叢薄中之遺民耳

宋有東坡蠻煙蠻雨之句

惠州志

明有河泊所有大窰小窰手繒繒門

竹薄蕙薄攤薄大薄小薄大河薄小河薄背風薄方網輳網竹蓼魚
籃蟹籃大窰竹篁等戶十九色歲收其漁課郝通志清遠河泊所洪武

立光緒志後裁其魚課油料米二百九十石零三斗六升攤入地丁

頂下光緒志清末共漁戶二百三十四家每戶歲徵正雜費七毫半

民國後漁戶星散所收無幾矣縣政府冊

謹按隋書南蠻傳云南蠻種類與華人錯居曰蠻曰俚曰獠曰
獠隨山而居古先所謂百越也後山談叢云山居謂之獠舟居
謂之蠻島居謂之黎雖種以居分而蠻實蠻夷之一咸賓錄分
魚蠻蠟蠻及採樹之木蠻是蠻不限於水居矣番禺縣志順德
續志皆謂為秦時叢薄之遺民與惠州志之說正同

輿地風俗

謹按林伯桐云習俗之成非一日之事非一人之力蓋水土使

然番志水土所關則人民之性情姿質形色氣習皆因之而別
如爾疋云太平之人仁丹穴之人智大蒙之人信空同之人武
此性情之因於水土者也家語云堅土之人剛弱土之人柔虛
土之人大沙土之人細息土之人醜此姿質之因於水土者也
周禮云山林之民毛而芳川澤之民黑而津丘陵之民專而長
墳衍之人皙而瘠此形色之因於水土者也國語云沃土之人
不材淫也瘠土之人莫不向義勞也管子云楚之水淖弱而深
故其民輕果而賊越之水濁重而汨故其民愚疾而垢此氣習
之因於水土者也雖開平縣志謂相噓成風相沿成俗風俗之
原繫乎國家之禮教然關於水土者其因亦不少光緒志云土
瘠民勞故風俗儉樸此其徵矣孔安國云古者九州之志凡土
地所生風氣所宜皆聚此書是志書必詳風俗矣周禮合方氏

道四方之風俗以風俗因夫地也漢書地理志所言各風州俗其來有自其變有因自後地志不無及風俗者小供翼惟順德續志云風俗有與鄰邑相同者有為本邑特異者有美有惡宜據實事直書以昭覈實而東莞縣志肇慶府志且於各條之下按語訂明其例亦善今從之畧錄於左

清邑地善俗熾民秀倫以說修學記

清遠山峰秀麗水自滇陽而來浩浩瀚瀚治中聚族而居者率多文

采而尚禮義何順泰孔氏家譜序

清遠山水清秀古稱福地之居故民風淳樸物產豐饒士夫學子固

爾雅溫文野老農夫亦敦龐竺厚關上進白氏奕葉傳芳集序

城郭繡錯阡陌相望絃誦之聲徧於郊野科第接踵代不乏人遐濶

僻陋亦有鄒魯之遺風藍潤修學記

清遠縣志

卷四

風俗

三九

天馬壁立筆岫凌雲裒然一京會矣以故瑞氣所鍾人文鬱顯蒙昭修學

記

清遠舟多於屋止工捕魚岸平若田反不種麥其風俗如此鄭獻浦清水紀

行

清遠當北江孔道地極衝繁惟濱屬則自為一洞深處萬山之中恍

如世外桃源兩岸夾流田疇頗沃風俗純樸文風亦盛近來進士王

玠舉人白璿知縣黎恕並祀鄉賢皆世居於此水東文塔記碑

元志云清遠地無平原沃壤刀耕火種最為辛勤無長溪洪河肩擔

背負最為勞苦圖書集成引府志

舊志云清遠地廣人稀耕多斂少敦尚質樸資近寬和士業詩書而

勤禮節民知法守而畏刑憲張府志

清遠志云清遠地鮮沃壤刀耕火種陸多水少擔負為勞商賈工技

皆資別邑豪猾多武斷小民喜火葬視他邑為甚邇來文物漸興其
獠獠之屬久樂昇平皆知向化阮通志

光緒志云謹按舊志載小民喜火葬今四屬並無火葬之事即
詢諸故老亦未見有火葬者此俗變移想必在數百年矣

謹按焚屍火葬世謂釋氏遺教宋黃震上狀云焚人為佛不知

周時已有此例如氏羌之民以不焚為憂荀子云氏羌之民不

也儀渠之國又以焚屍為孝列子云秦之西儀渠之國其親戚

子孝此皆習俗之蔽也吾邑宋時確有火葬之俗光緒志謂無其

事以近數百年已改變耳

俗以南方卑濕棺木易朽水蟻易侵於是葬者用收金使酒洗粘骨
之渣滓白骨之收諸礮者顛倒錯亂此仁人孝子之所不忍者張府

此風最盛邑人於葬後十餘年用金埤收拾骸骨擇地別葬名曰執

金蓋因地方卑濕木棺易朽深恐骨肉陰為野土為保存先人遺體

計故用瓦塔改載之以期永久各鄉訪冊

謹按執金改葬之俗廣府各縣多有不僅吾邑為然其俗自周

時即已有之墨翟云楚之南有炎人國者其親死朽其肉而棄

之然後埋其骨乃成爲孝子墨子知此陋俗傳自荆楚吾邑當楚

南地方故習而不怪番禺續志云葬者藏也欲人不得見也為

子孫者既卜宅兆而安厝之乃復剖棺洗刷事同蒸檢目擊者

其類有泚乎力闢其俗惟開平志云拾骨移葬高潔之處明知

開棺有傷子心及干例禁然南方卑濕易生水蟻保存骸骨擇

地安葬亦孝子之用心說較持平愚論之能早定墳塋一葬不

易者上也若草葬卑濕之區久必銷滅為保存殖計移而葬之

猶勝於不省封樹不掃墳墓者

粵俗親死子孫結隊出戶至濱河所投錢水中跪取盆水歸為死者浣濯謂之買水非是則羣以為不孝親喪之初停屍在堂棄而不顧鼓樂前導以是為孝忍乎哉宋周去非嶺外代答已譏買水浴屍之非此風由來已久史證語今全邑皆行之惟附城稍用鑼笛而非鼓樂至四鄉則僅鳴一銅鑼耳馮山訪冊

謹按宋范成大桂海虞衡志云蠻俗親死披髮持缶哭水濱擲銅錢於水汲歸浴屍謂之買水知此為蠻夷陋俗故番禺續志謂買水而省洵為正論但習俗相沿難於遽革矣

喪禮好作佛事殮棺後二三日即葬無停柩者葬時妻妾子婦及戚屬送至葬所舉哀行朝夕奠禮七日一奠至四十九日止名應七志逢七日謂之虞祭多延道巫打齋超度有一兩晝宵者富室有至三晝宵者謂之做七旬以資冥福但貧家則於是晨延道祭奠謂之

清遠縣志 卷四

風俗 四一

應七惟附城則頭七祇五日末七祇六日耳以視禮經死與往日之

義不同禮記鄭注云故濱屬各鄉皆非如此至百日對年亦有打齋

然後祔祖馮山訪冊

謹按士喪禮司巫云凡喪事掌巫降之禮見禮記注是則喪事用巫

古已有之第與今之火居道士不同耳邑之富室間有延僧尼為之者屈翁山云粵人喪禮亡之七日一祭至七七而終祭於來復之期以生者之精誠召死者之神爽或謂七者主火化逢七而祭所以合變化之數也廣東新語查此俗例甚遠昔胡國珍死

明帝詔自薨至七七及百日皆設僧齋北史列傳南陽王綽死每

至七日及百日為請僧設齋孫靈原傳可知其俗傳自六朝矣

人死而葬皆設銘旌書其行誼履歷以懸之惟邑人懸旌必用生竹其竹梢尚有枝葉懸之於上謂之旛旒濱捕人且以女壻負之送葬

謂之擔旛 濱江訪冊

謹按周禮注云書死者之名於旌今謂之柩昔王立舉廉吏未召而死以府曹椽書立之柩以顯其靈 周禮注疏 是也北方無用生竹為杆及由女壻擔旛者此乃荆楚遺俗也隋書云荊州葬之夕數十人集於宗長宅各執竹竿長一丈許上三四尺猶帶枝葉者傳云昔盤瓠死置之於樹乃以竹刺而下故相承為風俗隱諱其事謂之刺北斗云 地理志 今用生竹為竿者蓋因於刺北斗之竹其以女壻擔旛者隋書所謂南蠻以壻為重也邑中習俗實源於此

邑俗多禁忌凡死於外者不許歸殯於家必要於村外蓋棚辦殯至潛江則在家壽終之父母亦不在堂殮殯而必抬屍出巷乃殮於棺

臨山訪冊

清遠縣志

卷四

風俗

四四

謹按鄉黨言朋友死無所歸孔子曰於我殯疏云猶周殯人於西階之上也 論語集注 開平縣志云未聞當時闕里以為禁忌而阻之此無所歸而有所歸也今明是家人反不許殯殮於家則有所歸而無所歸矣且父母壽終殮之於巷尤覺忍心害理此為陋俗急當改之

邑中喪事每用紙紮人物器皿金山銀山香燭諸物今人以為迷信邵康節則謂此是古人明器之義而亦孝子順孫之心但鬪靡誇多究屬無謂耳 海山訪冊

謹按王璵謂至唐始用紙庶錢以為鬼事 唐書列傳 非也古者祭用圭璧幣帛事畢埋之魏晉始用紙錢 開見錄 南齊東昏侯剪紙為錢以代束帛實非釋氏法也 見風璞 今邑人於祭祀喪葬諸事皆用紙衣錢幣此古明器之義所以濟圭璧之窮且事死如生奉

以生人之物而心始安並非迷信也

歲時伏臘皆祭祖及門灶社壇自高曾以下生辰忌辰無弗祭者清明祭墓則派胙必均有在墓前團飲者光緒志而八片朱氏且定墓前

餘粥附城訪册

謹按朱文公云子孫負荷祖宗之基業此心便與祖考之心相通禮記所謂春禘秋嘗故於是時設祭上蔡謂這身在此祖宗之氣便在此是他有個血脉貫通所以神不歆非類民不祭非族朱子語類曾子云椎牛而祭墓不如鷄豚之逮存此墓祭之故事也今邑人清明之外重陽春分亦有舉行者

元旦鷄鳴戒興放紙炮曰接年具糞果奉先祖長幼以次相賀稚子鄉里拜年以柑橙菱角分之光緒志

謹按內則子事父母婦事舅姑雞初鳴咸盥漱見禮記宗懷云元

清遠縣志

卷四

風俗

四三

正之朝宜早於餘辰所以標而異焉荆楚時記今之鷄鳴拜年者

即春秋傳履端於此之義故特早也吾邑俗拜先祖禮神佛之後即燃放紙炮其來甚久荆楚歲時記云正月一日鷄鳴而起於庭前燒炮竹以辟山臊惡鬼於是長幼悉正衣冠以次拜賀神異經謂西方山中有山臊人以竹著火中燂燥有聲而山臊驚去云此其所始今世所製炮竹則用紙捲硝磺其燂燥之聲則一燂音必燥讀如燂音必燥讀即古時以竹著火之遺意也

初三日掃地曰送窮連日鄉村舞獅初十日張帟燈於祖祠曰開燈有用十五日者以燈送祈子之家曰送燈二月初二日土地誕放花炮執炮首者明年屆期還之三月清明插柳以艾糞祀先掃墓郊行至四月八日止五月端陽插艾書符以粽祀先龍舟游江七月七日汲江心井華水貯之曰聖水十四日浮屠盂蘭盆會八月望夜剝芋

煎茶賞月九月重陽登高放風鳶有祭墓者曰秋祭十月朔農家以粉糍掛角勞牛是月鄉村儺以逐疫曰跳禾樓冬至祀祖臘月念四日為小年夜祀灶神殘臘時家家打餅聲與搗衣相似除夕祀祖家人聚飲曰團年光緒志

謹按山東地方有用臘月二十三日記竈亦有用作日者即墨志而吾粵則皆二十四日記竈攷宗懌荆楚歲時記云十二月初八為臘日以豚酒祭竈神此六朝之俗與此之小年夜不同惟宋時以十二月二十四日為小節夜三十日為大節夜乾淳時記其實則一不過名稱稍殊耳

七月七夕婦女陳瓜果乞巧於中庭城內訪冊謹按古者乞巧皆於初七之夜而今則皆六日之夜行之容齋隨筆云乞巧之用六夕始自唐末五代則其變遷久矣

清遠縣志

卷四

風俗

四四

清遠年節與各縣皆同然有稍異者如正月普通無節而額坑則十五日做節八區清明節各鄉皆祭墳墓邑有春分日祭之各客例有四日為之三坑洲漢時本以十二月初五日為蒲節邑有初四日做節者三坑洲漢時本以十二月為嘗新節風俗通今邑人多以六月擇日為之濱江各村東莞定以七月十四日為田了節錢海見聞今邑人亦以六月擇日為之濱江各村古時伏日為湯餅節荆楚歲時記今三坑則以大暑日為蕉節三坑各鄉古時本以七月七日為盂蘭節孟蘭盤經云目連見母生餓鬼中以飯往餉化成火炭佛言汝母罪重當於七月七日得受食今邑有十四日為之四屬亦有十五日為之者八區尖八月十五日為中秋節乃有十三日為之白石潭十四日為之三坑各鄉又有十六日為之者迴岐塘冬至日普通做節而八區則冬前一日舉行俗謂貓暈冬同各村光緒志謂其因先人避亂迫不及待致成例焉即其他各節想亦各有原因

也舊志謂十月大儺今則稱為菩薩游鎮或正月行之濱江或五月

行之附城婚姻用茶果酒肉鷄鵝之類曰過禮有禮銀有聘書臨

娶男行冠禮女行笄禮娶之明日拜舅姑行廟見禮來年正月初旬

女家接婿至門婿至拜見外舅姑不與婦同行光緒粵尚燒猪而婚

嫁之回門尤甚女家需此餽親友以表貞耳趨庭

粵中冠禮謂之上頭郝通而貧家幼接童養媳俟其及年為之加笄

亦曰上頭各鄉

謹按梁時華寶父豪成長安年八歲父謂寶曰須我還當為汝

上頭豪歿寶至七十不婚梁書宋時諸王冠行棺之禮謂之

上頭鐵國據此則冠婚古稱上頭今邑人稱童媳合婚亦曰

上頭猶是古義

附城迎親日晡乃回但親迎之禮久廢惟新婦到時新郎在門外迎

清遠縣志 卷四

風俗 四五

花轎一揖俗曰踢轎門入房新郎挑取新娘之頭帕皆示迎親之意

附城各鄉

謹按禮記士昏禮注娶妻之禮以昏為期因而名焉必以昏者

以示陽往陰來之氣邑人迎親日晡乃回猶古禮意

新婦入門與新郎飲合卺酒親友則設筵酣飲喧嘩酒罷戲婦即索

新娘奉茶謂之打糖梅午夜由親友送房翌晨廟見謂之拜堂次見

舅姑親屬各鄉以糖梅為贄又獻幣帛悅履謂之荷惠廣東三朝歸

寧謂之回門匝月及年節復于歸謂之擔茶至生子女滿月外家送

以鷄酒衣帽手釧者曰探更又曰送更附城

謹按抱朴子疾謬篇有戲婦之例於稠衆之中親屬之前問以

醜言責以慢對甚或系足倒懸傷膚折體其鄙瀆如此故方衆

瑛俗砭云開新人之惡俗天下皆然當急革之

服田力穡人多家居踰越關津販賤賣貴者百無一二不喜誇詐不
尚奢華日用飲食蔬食布衣卽婚嫁娛賓亦少山珍海錯光緒志

謹按邑中風氣專於耕鑿絕少出門乾隆間白元貞創設石馬
船至是交通始便傭僱於外者乃日多迨光緒初年交通日闊
風氣日開由是往外國者亦不少矣

敬重師長處處皆然而潛江更厚館於其鄉者雖無子姪從游亦具
鷄豚款待興仁鄉畏法斂事少打架鮮爭訟父兄嚴約束子弟謹厚
率循故外匪無窩強盜不作批耕者田租不欠有業者國課早完合
鄉大約相同而后岡一帶鄉村更爲馴厚光緒志
古者喪事設齋打醮俱延僧侶惟邇來則因各寺久廢故打齋打醮
皆祇火居道士爲之俗稱曰喃呎佬各處神廟逢誕日塔棚演戲如
洪聖城隍康公晏公天后北帝華光等年年必然而二月之洪聖誕

清遠縣志

卷四

風俗

四六

九月之華光誕尤必燒爆洪聖者以鏡屏爲之華光者以紙紮爲之
名曰爆景每爆輒值數百元而濱江之勒竹龍山頸之蓮塘廟炮亦
熱鬧其他土地各神誕各鄉多有之水品訪冊

邑人於元誕日相見卽賀年互以吉祥語相祝各家燃放爆竹各鄉
或舞瑞獅或玩鑼鼓櫃或在神廟燒爆或在社壇掛燈此時田工未
興農民極一歲之樂兒童則破蔗鬪柑女子相聚戲問蔴籃神或卜

紫姑神以遣興附城訪冊

明黃諒燈夕詞調鶴仙

諒豐城人任邑侯

泖城春不夜映月壁寒流燭葉光射鼇山海雲駕擁遨游簫鼓錦
旗紅亞東風近也趁樂歲良辰多暇想陽和早遍南州暖得柳嬌
桃冶 堪畫紗籠夾道露重花珠塵吹蘭麝歡朋舞社玉梅轉鬧
蛾耍且爾占先探芋卽戲巧又卜紫姑燈下聽歡聲猶自未歸鈿

車寶馬

光緒志

明林彌孫元宵招飲調沁園春

彌孫莆田人任邑侯

纔到中年節渾閒賞心頓輕據隨分東風瓶簪柳雪應時燈夜棚
綴蓮星自一家春也三杯酒巧爾堆香笑語聲又何須聽那西樓
絃管南陌簫笙 平生黃卷青燈肯珠翠奢華八尺檠欲趁隊間
嬉雕鞍寶馬回頭猛省破案囊螢鄰曲漁歌庭除鶴舞塵外水輪
徹骨清人閒處這炯方寸一點長明

光緒志

謹按李昂英文溪集內有甲辰燈夕書調瑞鶴仙一首又有監
司元宵招飲不赴詞調沁園春一首與光緒志所載題目詞句
全同不知黃諒林彌孫竟掠為己有抑光緒志誤錄其名故特
訂正注明於此

清遠縣志 卷四 風俗 四七
清城前有擲石之戲逢五月初五日則在南門河邊拋石為戲各

艇避之光緒初至擊斃米行工人實為陋習迨宣統設警察始禁之

清遠縣志

風俗

四七

艇避之光緒初至擊斃米行工人實為陋習迨宣統設警察始禁之

海山訪册

濳江公和鄉亦於五月初一至初五日兒童在嶺用石擲擊名

為打扯營雖傷不以為仇姻親亦無所避至若械鬪則全屬各村常

有之時有焚村殺人之慘雖傷斃多命亦不稍悔此真陋俗也

叔盤訪册

謹按南海縣志陽江縣志皆有擲石角勝之俗以此為肄武之
端云知此等陋俗各處皆有隋書地理志云俗以五月五日為
鬪力之戲各料強弱事類講武則其遺風遠矣史記謂越人相
攻固其俗然

及點列傳

漢高謂尉陀治之越人相攻擊之俗益止

漢書

紀本亦一時之效耳

邑人好競龍舟各鄉皆然裝為龍頭龍尾率以數十人扒之每於端

節前後舉行此本荆楚舊風也

隋地理志云屈原以五月五日赴汨羅土人追至洞庭湖大船小莫得濟

因披擡爭先歸會戲亦有小艇三五人扒之並無龍形者此則純是

亭上披擡爭先歸會戲亦有小艇三五人扒之並無龍形者此則純是

鬪力之戲耳亦是揚州之遺俗見前前清於端節前後各鄉龍船來城會扒謂之耍龍而初六日在峽山寺前鬪快故游飛來寺者以是日爲最其他各廟神誕則懸錦標以競小艇各鄉皆會各冀奪得錦標歸也西湖訪冊

明楊琛龍舟競渡詞調水龍吟琛太和人

洌水新漲浮花柳陰稠綠波痕膩一聲雷鼓半空雪浪雙龍驚起氣壓鯨鯢怒掀鱗鬣劈開烟水算戰爭蠻觸雌雄楚漢總皆一場如此點額許教借一得頭籌觀呼震地翻嗤浮世要津攙進奔波逐利鬪了還休倩渠銜寄三閭角黍會風雲快出爲霖可但領

明珠睡光緒志

謹按五月五日競渡朝六宗懷云五日競渡俗爲屈原投汨羅日故並命舟楫以拯之隋志亦謂本於屈原惟邯鄲瀆曹娥碑

清遠縣志

卷四

風俗

四八

云五月五日時迎伍君逆濤而上爲水所淹又越地全云起於越王勾踐荆楚歲時記斯又吳越之俗也吾邑山塘滸江口白廟龍頸各處多於是日行之

清遠土瘠民勞故風俗儉樸光緒志

自烟賭承餉邑人漸趨於奢靡富

厚之家大半中落因之商業亦日見蕭條近者嚴禁烟賭雷厲風行多數之人經濟亦不如前或復反於儉樸耳訪冊

清遠風俗最尙誠信商民交易僅用方寸之紙書一百兩三字蓋章於上納入銀袋謂之銀膽由是甲交乙乙交丙輾轉相交恒至一月半月始行驗看如有次銀照膽換轉各皆推誠相與無作僞者至買賣貨物多憑信用千百金之貨物憑鋪伴一言即可成交絕少撻欠惟此習俗近已罕見以法律規定人證與物證并重遂不與稍省手續矣

續矣

附城訪冊

邑人向重禮教男女有別年輕婦女出門不論晴雨必帶帽或持傘以障面男子難與交談故奸淫之案絕少間有一二鄉族懲辦至嚴近因鄉族不能擅懲而風俗稍改變矣

附城
訪册

清遠縣志卷四

清字第二

輿地 方言

謹按朱文公云方言多有自來亦有暗合古語者朱子類文故章炳

麟謂鄉土志書所急者在比輯里語以見古字古音太炎錄

近來通志館條目宗之見明書說特立方言一目查志載方言者莫

如嘉應州志溫仲和撰東莞新志陳伯陶撰番禺續志丁仁長撰皆詳考地方

之俗語謂聲韻多出於漢唐音義每同於許鄭其搜錄之勤發

明之夥洵為粵中諸志之冠今從其例特立此門夫人之聲音

出於唇齒喉牙舌之五部而音韻之歧異隨夫東西南北中之

五方開口合口唇夷聲之卽殊禮記考工記注云會夷皆發語

促為短故合口舌腹舌頭顯田之音亦別劉熙釋名云以舌腹言之

也天坦况地方俗異邱里名殊故其語言更為不一如公羊多齊

清遠縣志 卷四

方言

五〇

言淮南多楚語荀子每言案楚詞每言羌通史陸德明吳人多是

吳音鄭康成齊人多用東音沈括補筆談此因風土之變劉知幾所

謂居荆則言皆成楚通史治圖義所謂荆揚之泉酸苦則人聲急

促者也圖集成書吾國音韻之學始於漢魏反切之學創於六朝太章

炎云漢末應劭漢書注已有音不始孫叔然魏丁翁云漢時許

鄭祗云讀如某字之字至杜預注左始云音如寧音近烟王輔

過始注名爲音至六朝始有反切之法世謂始自胡僧而

楊慎則謂開合口長短聲卽後世反切之法中國元自有之非

始胡僧總丹錄沈括云古有二聲合爲一字者如何不爲益不可

爲叵筆夢溪談鄭樵云慢聲爲二急聲爲一如者焉爲旃者歟爲諸

志通顧炎武云如是爲爾而已爲耳之乎爲諸邾婁爲鄒明旌爲

銘菰蘆爲壺丁寧爲鉦奈何爲那勾瀆爲穀疾藜爲茨不律爲

筆此爲反切之語漢上已有之五音書程易田云宓不齊爲卑楚



得臣爲敦寺人提爲披說經魏了翁云今西羌以忽劣聲平爲靴咎

陀爲科狍兜爲鈎突變爲團窟籠爲吼南蠻人以不闌爲斑不

乃爲擺則反切之來遠矣雜經外由此觀之快慢之聲卽爲反切

之祖反切之韻實卽天籟之音第六朝傳以聲執體文其切法

乃詳耳慧琳一切經音義云梵文阿等十二然韻紐標箭仍因

地方聲氣而不同北魏李冲云四方之說竟知誰是帝者言之

則爲正但此實非的論近儒章太炎云廣東辨韻眇合於法言

而紐多淆混太炎論惟陳澧則云廣州方音合於隋唐韻書平上

去入四聲各有一清一濁而上合於切韻唐韻朱子謂四方聲

音多訛却是廣人說得聲音尙好此論自朱子發之非余創論

也蓋千餘年來中原之人徙居廣中今廣音實隋唐時中原之

音故與隋唐切語密合如此東塾所以新方言亦謂今語音合

清遠縣志 卷四

方言 五一

唐韻者莫如廣州其次惟有武昌云章氏苟能除去俗字土謠

粵人聲音尙近正韻茲畧舉其傳自古語者別於省會者酌錄

之有同音者用直音不能直音者用反切其無可假借者則從

東莞志例以土音取之或以意會焉

中國言語之雜以粵爲最三國志所謂南海言語重譯乃通者是也

吾邑聲音與省會雖非大殊然而三肴四豪十九效十八巧十九皓

二十號各韻之字與省稍別廣東新語云廣州語多與吳越相近如

鬚同蘇逃同徒豪同涂酒同走毛同無早同祖而吾邑則祇鬚蘇酒

走稍混耳餘則絕然不同若以正音較之似稍勝於省會蓋吾邑先

民皆自中原遷來尙存祖宗之聲氣惟有蠻夷大長建都廣州久與

椎髻雜處濡染蠻俗每雜鳩舌之言當時勢力正強正李冲所謂帝

者之言謂之正其下臣民勢必久習成風迨後南越雖亡然附城者

仍為政界人士音仍不改也何以證之觀隋書謂有銅鼓者號為都老本之舊事尉佗自稱老夫臣故俚人猶稱所專為倒老言訛又稱都老云是都倒同音矣今日省會讀刀為都讀倒為堵正其遺傳故讀豪肴各韻別於吾邑

吾邑百里之區本當車書同軌但先民由各省遷來故語言亦多紛雜陳白沙廻岐道中詩云兩耳如聞重譯語其哢雜也可知計附城各鄉與省會相同者俗稱白話又謂土話又謂平話客家稱之為平話讀如坪黃通志云廣音柔而直頗近吳越出於唇舌不清不濁當為羽音阮通

志蓋指土話也全邑計之約佔六成以上其次則有客家話阮通志云自福建來者為客家音自江右來者為水源音今俗稱硬話硬讀聲而客家之中又有稍別如城欄黃氏長洞江氏黃沙水羅氏此謂舊客家其話稍白蓋日久變遷也至新客家則以龍川長寧興寧英德

清遠縣志 卷四

方言 五二

遷來者為多各區皆有之他如龍塘有鶴話又名荻話八區有連灘話橫石有四會話滘江有從化話石潭有陽山話又有些少省話然亦無多若夫字音各鄉不一如浸潭讀水為史滘江讀得為的水史皆為四紙韻而得的則分十二錫十三職韻矣且音亦異各區鄉中間有讀平聲為仄聲者

清遠地處南楚之外古屬荊州故風俗語音多由荆楚流入閱時既久今亦稍為變遷矣揚雄云南楚涯瀑之間母謂之媼揚雄方音郭樸注云涯即涯水而瀑無注以愚考之涯即中宿縣之涯浦關一帶正吾邑地方瀑者即周府君功德碑所謂自瀑亭至曲江之瀑實今樂昌

見錄而皆楚南之疆域也今邑人稱母曰孃玉篇云女也蓋即媼音之

轉然可通為娘東莞縣志云為少女良切或稱曰孀玉篇云孀母也

近人俗造奶東莞縣志云俗不知又稱曰姐說文云蜀謂母曰或

稱曰姆曰郝通凡志云廣人謂母姐姆之稱邑中甚少惟庶母稱曰細姐

契母稱曰契姆耳廣州人謂母曰媽媽者母之轉聲志通古來雖以

媽為母之稱篇云今人呼母為媽但邑人則多稱祖母為媽而用

平聲鄭珍親屬記云今呼母為媽或呼為麻音東莞縣志云今讀已不如涯瀑

稱媼之元音矣亦有故疏之視如伯叔母而稱母為姆為媼者明道

乃世傳無此稱此合音至凡尊長之人稱曰父老方言云東齊魯謂之父尊

老此則尚存南楚之俗也

謂如此曰泖方言云泖或也流澧之間凡言或如此者俗書作咁章

炎云今廣州謂何故如番禺續志云廣州言如此曰恁讀若紺音之

轉也俗作咁誤方言之恁言或如此也廣州之恁言如此也一為疑

詞一為決詞截然不同今邑人之咁實即恁之通借也指謫人過者

曰岷背後俗有手指岷穿背之謔方言云譎過也南楚以南凡此猶

清遠縣志

卷四

方言

五三

醫者岷知疾病之意也訓名相推曰攬或曰攬塞楚方言云攬推也曰攬

在桂漢此曲或曰攬郭注云境謂大曰鑿俗有笑鑿鼻之謔楚方言云大而

之多鑿轉又訛為稔俗謂多得財利曰聽到稔歲大熟曰豐稔此亦

鑿音之轉也謂持物曰揸方言云揸取也南楚之間凡取物泥中謂

曰即古之担字也謂人醜曰衰儻謂人衰曰真正田方言云儻庸

注云儻之田儻郭謂人不整曰殭殭阮通志云殭殭謂人不謹曰邈邈

音担入聲下皆狎翠之轉也方言云南楚凡衣被醜弊也謂看物曰睇

南方楚之外曰睇也東莞縣志謂今惟莞有此語他邑不然蓋古語之僅

存者云不知吾邑凡看皆曰睇如睇戲睇症皆是不僅莞語如此謂

人譏曰軋舌謂方言云郭注極云吃也楚語謂之軋或謂人誣曰派賴云予

賴軋也南楚之外曰軋賴人謂之派賴蓋自漢以來相傳之久賴不還曰

凡此皆楚之遺音而稍變者至謂會食曰餽方言云南楚之外相此

雖非普通之言然邑中客家尙有此語知爲楚俗所傳

粵東古爲百越之地故邑人又有揚越之名詞如謂欺騙人曰**眼**云揚越之邪凡人相侮以爲無諾革反之此中原所無而漢語之僅

存者至謂欺人而**噉**之曰**喀**南一切經人謂之喀江此則江南語亦卽說

文所謂**訑**也引說文云澆州謂人以相欺人爲訑人訑與喀音義畧同

讀如蓋暗欺爲**眼**而**訑**則明欺矣謂牛拘曰**秦**一切經音義引字林

謂零星之物曰**什物**後漢書注卽雜物也楚嚴經音義引三蒼云吳

難人曰**點**樣俗有你想**點**之諺方言云楚嚴經音義引三蒼云吳

蹇之轉音凡此皆江南吳越之語吾邑地屬百越所以尙存其俗

稱自己曰我此廣州之白話也郝通志云廣人謂我曰**碍**不知此乃

客家之語至說白話者惟石潭鄉間有自稱爲碍者耳客話亦有自

稱曰**艾**者方言云艾此蓋老夫之義然皆非廣人之通稱也

長方言也

清遠縣志

卷四

方言

五四

稱他人曰你說文乃里切秦東莞縣志謂爾尔同字與你音近此古

音也今廣人讀你作乃里切而讀爾爲正音云按北齊書文襄謂陳

元康曰我教你好長史處隨書李密傳云共你論相殺事則稱你亦

非俗音矣

稱平人曰佬新廣東語隋書云趙佗自稱老夫臣故俚人猶呼其所尊爲

倒老東莞縣志謂倒老二字急讀之則成佬卽倒老之合音晉宋以

來中原士夫與土人雜居稱土人曰佬蓋尊稱之云昔洪氏謂東坡

詩用人名每以老爲助語非真謂其年老容齋今俗稱兄曰大佬婦

稱夫於他人亦曰佬凡平人皆以佬呼之猶中原之稱老東莞志吾邑

二區地方其稱人於名字之下每加佬字呼曰某某佬亦卽某某兄

之義也稱那人曰個昔煬帝謂宇文述曰個小兒瞻視非常唐書李

今邑中謂你個佬卽言那人也

稱子曰仔惟其音各鄉不同有讀如齋音者債上有讀如躋音者上

聲亦有讀如姊音者讀上方言云沅湘之會凡言是子謂之崽若東

齊之言子矣聲如宰廣東新語云凡小者謂之仔水經注弱年崽子

是也番禺續志云或寫崽為仔誤也詩傳仔任也音經籍無訓仔為

小兒者章炳麟云今通謂子為崽成都安慶罵人冠以崽字新方而

東莞縣志則謂仔從人子凡小者皆稱曰仔粵之仔字其音義由來

已久不得以俗字概之以崽為仔字核之亦不甚合云故吾邑皆書

作仔

稱人曰先生腥音卽先生二字之急呼也史記晁錯傳學於張恢生所師古

注云皆先生也省字或呼之耳廿二史劄韓詩外傳曰先生猶如先醒

也陳伯陶謂讀如士音星風俗通云先生當如醒此其証也東莞縣志今

邑人於尊長或斯文及藝術者急猝呼之曰星腥音近周禮注云牲當

清遠縣志

卷四

方言

五五

讀如腥是也今俗又有呼牲者與畜牲之牲並讀為所庚切者此亦

古音廣韻生性切全粵皆然不僅吾邑已也

稱父曰爺玉篇又曰爸集韻又曰爹東莞縣志可切必加切吳人呼父也

爹廣韻東莞縣志云今讀的斜切蓋玉篇陟斜切之音變今邑人

爹讀平聲而爹音則的斜陟斜兩切皆有之或則故疏之而呼父曰

伯曰叔

稱祖父曰亞公祖母曰亞婆史記注云呼兄嫂亦以亞先之亞亦曰

阿兒女安排亦先以亞皆方音也阮引黃陳伯陶云亞者阿之轉音

也漢書東方朔傳注云烏加反辭未定也是亞為發語未定之辭東

志縣古時稱人每以阿先之如阮籍謂王渾曰與卿語不如與阿戎語

見世漢殺坑碑風劉阿興潘阿京等四十人皆有阿字見而唐書

世系表中歷世以阿為名宗室世系表七世有阿房六世有阿老此皆助語詞

也吾邑今祇呼亞如亞二亞三而無以阿先之者蓋變遷久矣

稱曾祖曰白公曾祖母曰白婆廣東新語又曰太公太婆東莞縣志云他

太公南史靈林王傳稱太翁宋時已有此稱矣宋沈從言澗山寺捨田至稱伯叔

祖母及普通老婦皆呼曰婆說文婆婆音稱或曰皤讀如頗四川人

訛之為波范成大吳船錄云蜀中凡稱尊老者皆曰波自如天波月波

俗從其毛澤民知嘉興郡建一月波樓何遜春聞王禹偁詠此樓詩自謂

不知月波出處袁枚謂漢時樂府月穆穆以金波昔人已用之詩話

不知月波即月老之意非因樂府枚實強解耳今吾邑稱婦之尊老

者曰皤尚存古義

婦人稱舅曰家公平列云不礙不聾不聵不將家公執席隨書長孫昔侯霸子

孫稱其祖父曰家公顏之推今婦稱舅為家公者蓋從其子之稱謂

也亦曰大人公漢書高祖曰惟大人以臣無顧後漢書陳伯陶云蓋

清遠縣志 卷四

因其子之稱大人而然東莞志袁枚謂大人為家庭之尊稱是也隨園錄

然觀面則呼舅曰老爺舅之父曰太老爺稱姑曰家婆觀面則呼曰

夫人或曰安人東莞縣志云姑稱大人婆姑之貴者雖無誥命亦尊

稱夫人不知無爵者稱夫人朱文公謂漢時已有之朱子語類實非僭也

至稱大人婆吾邑絕無此語但邑中讀夫為烏音凡老婦皆呼曰夫

人亦皆音烏蓋夫烏音近而訛也

稱母之父母曰外公外婆東莞志此本爾正之外也爾正云母之考為

外王但邑人呼外祖竟訛外為平聲讀如土音因帶之平聲與外字

平聲相近故訛之也又有稱為公低婆低者郝通志云稱母之此即

父娣母娣之遺集韻云揚雄方言云南楚淮瀑之間謂婦之妣曰母

娣康熙字典引此稱婦考稱父娣郭模注云古時通以考妣為生非

死後此低提一聲之轉也方言之涯正吾邑地方蓋初本為壻稱婦

父母之詞迨所生子女因而從之故轉為公低婆低也今邑中僅八區地方尚有些少倒呼公低婆低耳然用帶之平聲其餘則皆公字在下矣稱娣姒妯娌曰大人俗讀人查漢書高祖紀稱父為大人失火之聲後漢范滂傳稱母為大人齊悼惠王世家稱家長為大人先言大人而後救袁枚謂大人為家庭之尊稱吾邑娣姒妯娌平輩互呼皆曰大人蓋由家庭尊長而引伸之也惟人字讀作上聲此因急促呼之驟變仄聲稱行二者曰二人行三者曰三人為妾者曰細人皆減去大字而逕稱二人三人蓋原稱某大人日久則急猝呼但之求簡便遂致省却大字而不求甚解也廣州市有大少奶讀平大相娘等稱邑中惟官家有之餘則絕少

稱乳母曰嫗婆見帝紀唐書稱拜契者曰干娘北齊書程提婆傳云後阿之干稱女婿曰半子唐書同乾傳可稱某人曰張甲王乙范鎮神或

清遠縣志

卷四

方言

五七

曰張三李四此本左傳夫已氏之類

稱小兒曰細民仔讀如土音蚊救平亦有讀若氓者東莞縣志云細

之禹縣志云細氓為仔誤矣而滘江則稱曰人仔稱曾孫曰塞玄孫曰

徽廣東新語云息訛為塞也猶有漢時之遺義劉熙釋名云息塞也爾正

子女曰孺嬰謂未子孺字不見他書或曰厖廣東新語云子女末言

其最尾而盡也平聲此為生造之俗字

稱下流劣人曰脩讀如分番禺續志云集韻脩困劣也廣謂人物之

劣者曰脩俗讀若曳稱不端壞人曰壞鑊讀和此即壞五之轉音

也田汝成委巷叢談云杭稱靈敏小兒曰精懇方音注懇莫佳切廣

番禺續志云廣謂慧敏曰精懇俗作乖誤是邑中俗語率多古人所

遺但世人不知原有其字每每率筆強造以代之卽如乖字乃乖舛之乖乃竟以稱聰敏者殊謬

謂要曰取不要曰唔取卽娶妻之娶亦讀曰取其音讀如粗上聲曹安謂南人不知此音者非也曹安調言長語云山東俗語可以無取

杜甫詩取與否字協音故韻府收入二十五有南人多不知此音

謂不曰吾東莞縣志云當作吾不相通之証今粵俗謂不曰吾者吾與無音義相近淺人不知因造唔字耳俗造作唔讀用鼻音去聲合

吾爲不之本音然則俗語之吾爲最古

口頂腭言之與吾音之開口讀者稍殊全邑皆然

謂無曰無卯音讀如毛去聲劉熙釋名云毛冒也眸無音冒也是

毛無音近通轉漢代已然矣漢書功臣表靡有子遺耗矣孟康注云

耗音毛師古注云今俗猶謂無爲耗馮衍傳饑者毛食注云衍集作

无今俗猶然或古亦通乎困學紀聞文選注引蒼頡篇耗消也越人多謂

清遠縣志

卷四

方言

五八

無曰耗紀聞五代史黃旆綽賜緋毛魚袋卽謂無魚袋也則不祇今

世爲然矣新方言云湖南閩廣謂無爲毛趙翼云天津河間凡無作

毛音佩觿集所謂河朔人謂無曰毛蓋聲之轉也既北詩話章炳麟云無

古音如模今閩廣言毛近之通語言末末卽無之音轉如論語末之

也矣則今語所本太炎新言是各處讀無爲毛者亦夥吾邑日常問答

全用去聲如卯爲稍異耳然讀書則仍用平聲廣州省會讀無爲母

陳伯陶云禮器詔侑武方注云當爲無聲之誤也周禮卿大夫五曰

興舞故書舞爲無杜子春讀無爲舞今東莞問有無及答曰無皆讀

如武蓋古音也東莞縣志按王莽時志在反漢改漢之母櫟縣爲有櫟縣

見水經注以示反正之義則當時無字已讀母音故莽反之爲有也今廣

州皆讀無爲母武母音而吾邑雖同仄聲然讀去聲如卯音惟石潭

鄉有讀爲母音者耳

謂淫佚曰姣謂廣東新語云淫淫之曰姣音東左傳云其音義而姣不可謂

截路曰見章太謂疾走曰趨郝詩連云趨也孔疏云趨疾也東莞志

謂土音讀如謂尿洩曰涿說文涿流一下滴其癡液者為一涿人此四字

尚有古時音義猶未變遷

謂雄物曰殺說文殺俗誤作牯牯玉篇云牯故東莞縣志云俗不知牯

為殺之借字實則牯當作殺今邑人尚多誤書為牯

謂雌物曰爬郝通志云凡雌物皆曰爬廣東俗轉作爬詩云豕牝曰爬說

文云豕也東莞縣志云肥字俗轉作上聲音變為而邑人再誤書為

𧈧又為生造之字矣

謂去陰曰劇以一切去陰曰劇劇犍皆豬之轉音也爾雅疏云頑犍去

勢曰犍淮南謂去畜陰曰犍古時駙馬官牛閹豬皆劇義而物各不同

羊閹豬鐵雞善狗淨貓今則太監稱天閹稱官者而邑人且以牛為

清遠縣志

卷四

方言

五九

善殺雞為扇雞東莞縣志云今俗謂扇至是而各物多混為閹矣

謂作事曰做事租去聲莊帝紀做與度路反荀子做與協韻後漢廉范傳做與度暮

非東莞正字通做乃俗作事曰做事其音最古謂始事曰創造讀近灶禮

大祝六祈二曰造注造書東莞縣志謂凡起造皆曰灶此古語云而

吾邑則讀灶之去聲今省會讀造為在路反致造做不分與吾邑異

謂敗事曰攪輒番禹續志云廣雅輒戾也攷工記注云匡枉也枉亦

戾也廣謂將事攪壞與本旨乖戾曰攪輒讀若桂林之言汪而吾邑

則讀如土音橫之清音

謂何事曰乜事番馬讀志不可之什廣何字其音如乜用如

皆借也何事也非也字謂何人也謂何物曰底物匡謬正俗云俗言何

北史徐之諱此等俗語其來耳久今邑人讀底如顛之入聲

謂擊物曰批讀如土音讀合唇音說文批擊背也東莞縣志謂用力

擊人曰枕卽此字他邑無是語云非也今邑中凡用力擊者皆謂枕如打椿曰枕椿是也謂擊上曰殼說文殼下番禹續志云凡擊物曰

殼引申之被物所擊亦曰殼以頭撞物亦曰殼俗讀若坎謂微殼曰

揸說文揸也番禹續志云旁敲謂之揸音鏗謂擊敲曰敲說文敲擊頭也番禹

續志云廣言敲頭壳音推東莞縣志謂說文殼從上擊下也後因借

殼為皮甲而別造殼字莞俗謂打頭曰殼其字當從說文云邑中凡

敲擊皆謂敲讀迫角切謂椎擊曰殺說文殺物也番禹續志云以竹木

直擊曰殺音篤按魏明帝詔云凡婦人應答者督之此卽同音通借

也但婦人豈可以竹木直殺且說文亦無直義番禹續志直字疑衍

謂探物曰孚摸他人者亦曰孚說文提取其爪妄有所取微幸之意番

亦曰啗說文啗云邑中音義尚有說文之

清遠縣志 卷四

方言

六〇

遺

謂藏匿人物曰因說文因側也嘉應州志云因側逃也文亡表漢有

相連皆此說文古音一積僅存者東莞縣志云物所恐論甚精因當讀如土

謂覆藏什物曰措戴東原方言疏証云也荆楚聲曰措廣雅此漢

世音義今邑中尙未變遷

謂平物之擔曰簪方言云勝今邑人讀為定尙未古音之遺

謂市物之場曰欄漢書王莽傳置奴婢之市與牛馬同蘭師古注云

遮蘭之若牛馬圈也吾粵市場有菜欄漿欄竹欄牛欄等名皆是市

物場所猶如平礪館然今師古釋為遮欄殊失漢書本義王莽原意

蓋謂貨價奴婢之市與買賣牛馬之欄相同也師古未至廣州故不

知欄為市集之名也

謂物之堆積曰糶說文糶積也柴水東莞縣志云讀林去聲凡柴草磚

石堆積之皆謂糶蓋引伸言之吾邑山多俗呼林叢為樹糶本此糶

謂物之退失曰𠵼邠通志云讀入聲讀如土音字形音義皆是俗造

閩人寫作角形惟讀與粵𠵼字同音林紆長風筆記云閩人讀角為

人認詞原為用斧傷人竟得勝訴云蓋任意生造故雖鄰省其字形亦

不同也按古角字原有祿音廣韻錄字注云東方音此即角徵羽之

角字而字形從象其音義可想且詩經角與獄鹿屋族協韻尤為明

証唐李濟翁云角字音祿漢初角里先生輒改為用則謬矣音暇吾

粵以角為退失純是俗造與閩人讀俗造祿音之角字為退失義之

卵字入聲不同

謂物之低窪曰𠵼類篇云番禹續志云廣謂銅錫物撞而微窪者

曰𠵼音凹凸之凹謂若粒烏洽切嘉應州志云玉篇脰𠵼俗言滑脰

清遠縣志

卷四

方言

六一

吾州謂之肥𠵼𠵼東莞縣志云𠵼膩是也其清音則作女浥切讀如

凹莞謂肥人曰大𠵼佬云今邑中各鄉讀𠵼與𠵼同惟肥人則稱大

粒佬猶言大個也與陳氏作大𠵼佬異

謂肉之極熟曰𠵼說文云𠵼大熟也番禹續志云廣人謂肉大熟而

柔軟曰𠵼詮詰極確至𠵼字廣韻為上聲奴感切有讀為乃林切者

見東莞縣志吾邑人謂大熟曰𠵼至𠵼字仍讀上聲如肚𠵼五花𠵼皆然

謂圍爐煮食曰打邊爐廣東新語云冬日圍爐而食曰打邊爐陳白沙詩云邊爐煮蟹

饒君回是也白集沙番禹續志云方言注𠵼音邊蓋小盆可以煮食物

者古謂之𠵼廣州所謂打邊爐置瓦器於爐上煮生物食之也俗寫

作邊與煮食不相涉殆不知𠵼為本字耳黃保康云粵之扁煲當是

𠵼字家語謂瓦𠵼陋器也煮食薄膳也是此物周時已有矣粵音近

古此即朱子所謂粵音尚好者始令室今邑人呼為熨煲而𠵼爐則

書邊字蓋習而不察也

謂田地一區曰一邱俗寫作坵章炳麟云禮記注嫌名謂邱與區也
匡謬正俗曰晉宮閣銘所載某舍若干區者列為邱字則邱區不別
矣今南方土田契籍皆謂一區田為一邱田新方亦謂一哈廣東

田多少陳伯陶則謂田畝分區分邱者為哈讀如土音領之清聲俗
曰幾哈不知町有仄音手一切經音義町田區也龍龜故造哈字非東莞而吾

邑皆寫哈字其所從來久矣

謂奸狡曰鬼馬此鬼脉之訛也志方謂點曰鬼注云鬼脉也番馬

也轉音謂危險曰兒嬉此後醯之誤也醯番也續志俗作兒嬉誤謂中狹曰

揸腰此瓜字之失也周禮注疏者曰候謂道士曰喃嚙此男巫之誤

也周禮志云俗作喃嚙誤謂代替曰頂替此倕字之譌也也方番馬續代

頂替誤凡此古皆原有正字後人不知而誤以音近者代之非僅

清遠縣志

卷四

方言

六一

吾邑為然矣

邑人子女自孩而有乳名迨讀書始有書名俗謂大名續志音上其

命名或以蝦以狗或以二以三又多以屎為乳名賤之即所以貴之

也新廣東至稱婦人必冠以其子女之小名如其子名二則呼曰亞二

嫻其子名三則曰亞三嫻此例見於宋時吳處厚青箱雜記云嶺南

惟以各人所生子

謂泅泳曰顛水俗讀若味云此本說之文說文云類內謂謝人曰多

謝此本之漢書謝問趙君多謂錢包曰利市此本之易經利市三

謂廢物曰不中用此本之史記秦本紀云收天下謂薄行曰沒前程

此本之唐語陸深春風堂非國語當時謂子厚沒前程謂太多曰

無萬數此本之秦時古二始世無萬數謂即時曰登時此本之宋書

登遺謂第三日曰大後日此本之唐人語陸放翁云今日

意其俗語亦有此唐逸史惟訛外為大此一聲之轉也凡此雖皆俗語然亦各有所本

清遠方言與廣州稍異如來字廣州讀釐廣東新語云謂來曰釐中番禺續志云廣州言行來讀若行釐東莞縣志謂儀禮注來讀曰釐詩經之來麤漢書引作釐公羊之鬱釐史記引作來云雖則古可通轉但吾邑則仍讀來為賚之平聲之無釐音

知讀如土音地之平聲東莞縣志云謂實隋唐舊音必當以莞音讀之吾邑各鄉其問答多後廣韻讀陟離切尚有古音之遺而文字則仍從正音

菩薩普通多讀蒲殺邑人有讀扶薛者元應一切經音義云菩薩本

吞去聲者東莞縣志云據儀禮則退有禔音甚古亦尚存古音

尚存古義退後普通讀胎去聲邑人有讀作

清遠縣志

卷四

方言

六三

凡相語必有語助詞惟邑中則各鄉不同如滘江語未有射字濱江

語末有也字讀上聲附城語末有爹字讀如土音聲廻岐語末有者字讀

如平聲此其最著者矣至如嘆字乃驚怪之詞史記武帝云嘆大而今

俗則讀如禍音此則日久稍為變遷也

邑中有輕薄子動輒加人以渾號俗稱曰花名謂毫無實際大言欺

人者曰大炮言其祗有聲也謂跟隨紈袴從中漁利者曰板橈天九牌

勁不能吞噬者曰鐵沙梨言其堅硬也謂專隨紈袴冀沾餘潤者曰遮

柄泥散俗稱脚言其沾染而食猶如傘柄之粘泥也謂徒有外觀好出

風頭者曰瓦燒豬凡率神子有似燒豬不知止有外觀如瓦之不

食凡此雖為俗語然貼切事實義皆雙關混號一加則遐邇流傳永

不能改可謂詭而虐矣呂氏春秋云夏桀號曰移大犧言其多力能

推牛倒也又宋吳淑有謔名錄一卷知此俗由來已久矣

粵俗好習歌其歌詞不必全雅平仄不必全協以俗語土音襯貼之
婉和可聽昔謠俚之俗春秋佳日男女相唱和彼此意投者即可成
婚故今尚有歌堂村之目南海縣志東莞縣志皆謂昔時有歌試以
第高下高者受賞號爲歌伯近今不復舉行云吾邑雖無歌試然各
鄉尚有牧童唱山歌畚家唱鹹水歌至田功完畢之際二八區各處
有跳禾樓請善歌者唱禾樓歌又有於還田了或火星醮時僱二人
相對而歌者亦歌試類也其所唱者率以俗詞或演小說故事或厲
目前情境皆自然天籟之音也

上俱各鄉訪冊